



सानसेयारि "बड'सा" ख्रीर्लाइयाव समाज्यादि जिज्जो लोब्बा थानाय रायथाय, खन्थाय, सल', सल'बाथा आरु दावबायादि थावनि, पार्क बाइदिनि बाथाय लिन्नाय लिन्बिबां दैथाय हर/ सानसेयारि "बड'सा" ख्रीर्लाइया खेवखानावै फोखावगोब/

बड'सायाव लिन्हरनायनि दुबा खालाम, "बड'सा" ख्री नोर्थ, जो बयबो आंगो खालाम/

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Sunday ★ 11 February, 2024 Kokrajhar, BTC, Assam ★ Vol.-33, Issue No.313 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-



मदि सरकारनि गेरेंटि

बयनिबो थाखाय रैखाथि आरो गोदानथि हान्थिनायनि खाबु

अमृत भारत स्टेसन बिथांखिनि सिडव 1300 निबो बांसिन
रेल स्टेसननि फोजौखानाय आरो लुफामफिन्नाय



बांसिन मिथिनो थाखाय स्केन खालाम

हमारा संकल्प
बिकसित भारत



कक्राझारआव 22 थि बिटिसि गोरोबथा सान फालिदों लकसभा बिसायख थियाव कक्राझार आरो दरं-उदालगुरि मोननैबो बियाबाव बिपिएफ दोलोआ देरहागोनः हाग्रामा महिलारी

कक्राझार, 10 फेब्रुवारी: दिने 10 फेब्रुवारी। दिनेनि सानाव जारिमिनारि बर' गोरोबथा आरो गोलाव साननि बर' सोमावसारनायनि उनाव 6 थि फारिलाइनि बिथायाव बिटिसि दाफुंजादोंमोन। मख'नो गोनांदि, गासै 2 रोजानिबो बांसिन मुंखलंफोरनि थै आरो बर' राइजो-राजा। फोरनि बाउसोमनायनि फिथाइ महैर मोन्नो हानाय बिटिसि खुंथायनि बिबान रुजुन्नाय प्रमद बर' दैदेन्नाय बिटिसि खुंथाया



दुखुनांथाव महैर बिटिसि गोरोबथा सान खुंनायखौ नुनो मोनासै। बर' हरिनि थाखाय मोनसे जर'खा सान महैर सिनायथि मोन्नाय दिनेनि बे जर'खा सानि थाखाय सरकार दाफुंनो खाबु मोन्नाय इउपिपिएल-बिजेपि आरो जिएसपि जुथाय हान्जानि सरकारा मुंखलं फोरखो गोसोखांथिनायखौबो नुनो मोनासै। नाथाय 2004 माउथायनि 10 फेब्रुवारीखालि (□ 5 बिलाइआव)

साखोन-सिखोननि थाखाय बिटिसिआव गोग्गानाय लाबोनो हादों धलमारा साब सेन्टारआ



कक्राझार, 10 फेब्रुवारी: बिटिसिनि सदर कक्राझार जिल्लानि सिडव थानाय धलमारा लेडइ देहा मिरुआ साखोन-सिखोननि थाखाय

सर्वभारतीय थाखोयाव नाजानायनि थाखाय देहा गोग्गानाय लाबोनो हादों। फाहामसालिआ साखोन-मख'नो गोनांदि, देहा मिरुयाव सिखोननि बिथिखव गोग्गानाय खामानि मावनाय देहा लाबोनो हायो। दिने बड'लेण्ड फाहामगिरि, नासफोरनि जुथाये (□ 5 बिलाइआव)

फैगौ 16 निफ्राय 18 फेब्रुवारीसिम मानास माहारियारि हाग्रामायाव बड'लेण्ड हारिमायारि जिब-जुनात जथुम्मा खुंगोन



भवानिपुर, 10 फेब्रुवारी: मुलगु दांखा जारिमिनारि मानास माहारियारि हाग्रामानि बासबारि रेन्जआव फागौ 16, 17 आरो 18 फेब्रुवारीआव सानथामनि हाबाफारिजों बड'लेण्ड हारिमायारि जिब-जुनात जथुम्मा खुंगोन। थानाय बृहस्पतिबाखालि मानास माहारियारि हाग्रामानि बासबारि रेन्जनि (□ 5 बिलाइआव)

हारिमुवारि जांखिथाइमायाव बान्था मोन्नो हानाय बर' हारिमुवारि हान्जाफोरनो साबायख 'र बाउदों दु:ब:हा:आ: नि गाहाइ नेहाथारि बिजितगोरा बसुमतारिआ

कक्राझार, 10 फेब्रुवारी: आसाम सरकारनि हारिमु बिफानआ बावैसो दानफोर सिगांनिफ्राय राइज्योनाडै मोनफ्रोमबो बिधान सभा बियाबआव महकुमा आरो जिल्ला थाखोआव हारिमुवारि जांखिथाइमा मुडै मोनसे हारिमुवारि बादायलायनाय हाबाफारि खुंनाय जादोंमोन। बे हारिमुवारि जांखिथाइमा हाबाफारियाव बर'नि गोबांथार हारिमुवारि हान्जाफोरा गाव-



गावनि रंग'थि गोनां हारिमुवारि दिन्थिफुनायनि गेजेरजों जिल्ला थाखोनिक्राय देरहालां नानै राइज्योनां थाखोनि हारिमुवारि (□ 5 बिलाइआव)



जांखिथाइमा हाबाफारियाव हारिमुवारि दिन्थिफुनायनि गेजेरजों बान्था देरहानो हादों। राइज्योनां थाखोनि हारिमुवारि जांखिथाइमा हाबाफारियाव (□ 5 बिलाइआव)

एपिजिसिएलनि सामलायगिरि देबजित महन्तनि बाहागो लाफैनायाव बिजेपिनि 'गाव चल' हाबाफारि खुंदों



तामुलपुर, 10 फेब्रुवारी: तामुलपुर जिल्लानि सिडव थानाय कुमरिकातानि दरडजुलि गौथुमारि बियाबयाव दिने भारतीय जनता पार्टीनि मावफारिया आरो आसाम पावार जेनेसन कपरिसन लिमिटेड (एपिजिसिएल) नि उदां सामलायगिरि देबजित महन्तआ बाहागो लाफैनाय 'गाव चल' हाबाफारिखौ बेखेवयो। दरडजुलि ब्लक बिजेपिनि (□ 5 बिलाइआव)

तामुलपुर जिल्ला बिपिएफआ 22 थि बिटिसि गोरोबथा सान फालिदों

तामुलपुर, 10 फेब्रुवारी: तामुलपुर जिल्ला बिपिएफ दोलोनि बान्जायनायाव आरो गयबारि ब्लक बिपिएफनि हेफाजाबाव तामुलपुर जिल्ला बिपिएफ मावखुलि लांगोनायाव दिने सानसेनि हाबाफारिजों 22 थि बिटिसि रादाय सानखौ हाबाफारि बायदियै खुंनाय जायो। हाबाफारिजों लोब्बा लानानै दिने तामुलपुर जिल्ला मावखुलि लांगोनायाव माहारियारि फिरफिला आरो



बिपिएफ दोलोनि फिरफिलाखौ बिरहोयो तामुलपुर जिल्ला बिपिएफनि लेडइ आफादगिरि सिनाकान्त बसुमतारिया। मुंखलंफोरनो मान बाउनाय आरो गेवलां मेलबो खुंनाय जायो। लेडइ आफादगिरि सिनाकान्त (□ 5 बिलाइआव)

सान्थि हान्जायाव सिगां सायख 'जानायनि सांग्रांथियारि-बोसोन होनाय हाबाफारि खुंदों गसाइगाव फरायसालिमायाव अग्निबीरआव थिसनजानाय फोरोंथाय बादा खुंदों

गसाइगाव, 10 फेब्रुवारी: थाबैनो सान्थि हान्जायाव थिसन्थाय मोन्नायनि सोमोन्दै मोनसे सांग्रांथियारि बोसोन होनाय हाबाफारिखौ दिने गसाइगाव फरायसालिमायाव खुंनाय जायो। बिटिसि ओन्सोलनि 10 थाखो उथिसारनाय आरो 23 बोसोर बैसोनि सिडव थानाय लाइमोन सेंग्रा-सिख्खाफोरखौ भारतयारि (□ 5 बिलाइआव)



तामुलपुरआव 6 साननि जिल्ला थाखोनि न'न रेसिडेनसियेल फोरोंथाय हाबाफारिआ खुंफुजाबाय

तामुलपुर, 10 फेब्रुवारी, तामुलपुर जिल्लानि सिडव थानाय कसुबारि गोजौ गेजेरारि फरायसालियाव थानाय 5 फेब्रुवारीनिक्राय 6 साननि हाबाफारिजों खुंनाय जिल्ला थाखोनि न'न रेसिडेनसियेल फोरोंथाय हाबाफारिया दिने खुंफुजायो। जिल्लानि गोजौ इंग्रजि फरायसालिनि गाहाइ फोरोंगिरिनि थाखाय खुंनाय बे (□ 5 बिलाइआव)

कक्राझारआव सिनायनो मोनै सासे सुबुंनि गोथै सह गोग्लैसोनानै दड

कक्राझार, 10 फेब्रुवारी: बिटिआरनि सदर सहर कक्राझारआव थानाय आर एन बि सिभिल देहा फाहामसालियाव नेरन्ड चिप्रां मुनि सासे सुबुड फाहामथाय लाबाय थानाय समाव जिउ गोमानाय जाथायखौ लानानै कक्राझार पुलिसआ जेनायाव गोग्लैदों। पुलिसनि सुलुंनिक्राय मिबथिनो मोन्नाय बायदिल्ला, थानाय नभेम्बर दाननिक्रायनो 60 (□ 5 बिलाइआव)

चिरांनि अमर सिं बसुमतारिनो 'लाइमोन फालांगिरि बान्था' आरो 'बसुधा मित्र' मान गथायदों

बासुगाव, 10 फेब्रुवारी: गुबुन बोसोरफोरनि थानाय बोसोरबैनि बादिनो बे खेबावबो रंसारि पबन कुमार नाथनि जोनोम सानखौ लोब्बा लानानै 'लाइमोन फालांगिरि बान्था' आरो 'बसुधा मित्र' खौ लोब्बा लानानै बिमुं गथायनाय हाबाफारि खुंनाय दायो। 2024 माइथायाव बे मान गोनां बान्था आरो बिमुंफोरखौ चिरां जिल्लानि दर गोथौ ओन्सोल सान्तिपुरनि सालबारि गामिनि जौगाखानो



हानाय लाइमोन आबादयारि अमर सिं बसुमतारिनो गथायनाय जायो। दिने सान्जौफु याव तेजपुरनि सृष्टि इन्टरनेसनेल



ससाइटिनिक्राय आरो रंसारि पबन कुमार नाथनि आंगो बिसि मिनाक्षी चहरिया नाथआ चिरांनि सालबारि गामिनि अमर सिं

नाबार्ड आरो नाबपाउन्डेसननि हेफाजाबाव बाक्सानि गिबिसिन फालांगियारि बिथांखि माइ पेड माइ राइट बेखेवदों



बिबानि, अन्थोबनि थपलाजों लोगोसे 15,263 रॉनि चेक आरो गांसे बिजाब दड। लाइमोन फालांगि आरो जौगाखानाय आबादारि अमर सिं बसुमतारिया 2019 माइथायनिक्राय गाव हारसिडे स्टबीरि, मोदोमफुल, आलु, मैगं-थाइगं आफाद मावनायजों लोगोसे दाव-हांसो, बोरमा आरो मोसौ फार्म बायदिसिना गावखौनो थिसन्नाय रंखान्थि महारा (□ 5 बिलाइआव)

सुजुगिरिनि खोलोम

आबादजों लोगोसे गुबुन मुलाम्फायारि हाबा

नख'र खुंनायाव साफ्रोमबो सुबुडनो गावनि फार्से गोनांथि जानाय बादिदै थोजासे जानायखौ हास्थायो। गोसोनि हास्थायनाय आरो लुबैनायनि गाहाइ दाहोनाचो जादों थानानै थानायनि लामा मोन्तो हानाय, नख'रखौ माय-दै, रं-रुपाजों ग्रोम ग्रोम खालामनाचें नख'राव बिजि-फिसा इयुन जोलैफोरनो थानानै थानायनि लामा बेखेवनानै होलांनयनि थांखि। आबाद गाहाइ हादतनि साफ्रोम आबादयारिफोरा नख'रनि थानानै थानायनि लामाखौ स्रां खालामनाचें फारफोमबो बिथिडवनो गोखौं जानो हानायनि मिजिं थायो। बे मिजिंफोर जाफुंनगोब्ला आबादयारिफोरनि आबाद मावनायाव राहा खाबु मोन्नांगोनि गोनांथि जायो। आबाद मावनायाव गोनांथि जानाय राहा आरो खाबुफोरखौ मोन्तो हायोब्लासो आबादयारिफोरनि गोबां आबाद दिहुन्नाय थांखियाबो जाफुंनो लामा मोनगोन। जौनि आबादयारिफोर गुबैयै बाइदिसिना बिथिंनफ्राय खाबु लानायनि लामा मोनरोडैयाव आधिखालनि समावबो आबहावनि थासारिजों गोरबनानै आबाद मावनायाव जाफुंसारनो हायाखे। दनि समावबो आबादयारिफोरखौ गोनोखोयारि आदोबजों आबाद मावनानै गोबां दिहुन्नाय लाबोनो आरो एसेल' हायाव गोबां फसल मावनाय नुनो मोन्नाय जाया।

आबादनि सायावनो थानानै थानायनि गुबै राहाब्लाबो आबाद मावनाय समाव आबादयारिफोरा थि समाव गोगो जोलै बेगर, दै सारनायनि राहा, मुलिआरि आरो हासार मोन्तो हायै आरो बाहायनो हायैनि जाडनावनो आबादयारिफोरा आबाद मावनाय आरो दिहुन्नायाव जाफुंसारनो हायैखौं नुनो मोन्नाय जायो। बेनि थाखाय खुंथाय बिथिंनफ्राय थि समाव थि राहा लानो हायोब्ला आरो आबादयारिफोर गोनोखोयारि आदोब बाहायनो हायोब्ला आबादनि गेजेरजोंबो आर्जिनाखौ गोबांसिन् खालामनो हागोन आरो थानानै थानायनि राहायाबो गोले जागोन होन्नानै बुंनो हागौ। आबादनि सायावनो अराय सम सोनारनानै थाग्रा आबादयारिफोर आबाद मावनाय आरो दिहुन्नायाव जौगाखानो हायोब्ला गावनि थानानै थानायनि लामा मोन्नायजों लोगोसे गुबुननिबो मदत फेनाय जागोन।

मोनसे समाव सुबुंफोरा माय आबादजॉल' नख'र खुंनायाव हालोदया गोब्राब जानायखौ नुनो मोन्नाय जायोमोन। माय आबादजॉल' लोगोसे बाइदिसिना मैंगं-थाइगं, फिथाय-सामथायजों लोगोसे सबाय, बेसर, सिबिं,फाथोनि आबाद मावनायजों सुबुंफोरा आर्जिनायनि लामा मोन्तो हानाय जाबाय। आधिखाल आबादजॉल' लोगोसे सुबुंफोरा दाव-अमा, बोसमा-हांसो फिसिनानै आरो मोसौ फार्म खुलिनानै गाइखेर फनानै, लामा-सामाफोरव फिसा-फिसौ गला,साहा गला, ना-बेदरनि गला खुलिनानैबो तानानै थानायनि लामा लानायखौ नुनो मोनो। आबादजॉल' लोगोसे बेफोर हाबाफोरखौ मावनो हायोब्ला थानानै थानायनि लामाया साबसिन जागोन होन्नानै मिजिं थिनो हागौ।

दिनैनि फान्जामुधि

राशि बाइदिदै मुंनि गिबि हांखो

मेष : अल वृष : ऊब (उ ए इ) मिथुन : क छ (ड घ)
कर्कट : ड ह सिंह : म ट कन्या : प ट (ण ष)
तुला : तर बुशिक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ञ झ)

मेष: जेखि जाया माबाफोर मुवा-बेसाद मोन्तो हागौ। गोसोखौ गोजोन मोनगोन।

वृष: मावनो लानाय खामानिफोरा फेलें थानो हागौ। गोसोखौ धैज्या हमनानै थानाय मोजां।

मिथुन: मोजां मोनलायनायनि सोमोन्दो थानाय गोरा जागोन। अनलायनाया बांगोन।

कर्कट: बायदिसिना नख'रनि खरसा खालामनांचो हागौ। रांखावरि बाहायनांगोन।

सिंह: सुथुर थानायफोरखौ गिनांगो जागोन। जैरेबो सांग्रां जानानै थानांगोन।

कन्या: जैरेबो रंजा-खुसि खालामनो हागोन। फारफोमथिबो मोजां। गोजोन मोनगोन।

तुला: जैरेबो गोहो-बोलो मोन्तो हागोन। गोजोनै सम बारहोनो हागोन। मोजां सम।

बुशिक: बेफार फालांगियाव रांखावरि मुलाम्फाखौ मोन्तो हागोन। गोजोन मोनगोन। मोजां सान।

धनु: असका बेराम गोनां सुबुड सांग्राडै डक्टरनि बोसोन मानिनांगोन। सोखाजानायखौ मोन्तो हागौ।

मकर: सुथुर थानायफोर दड'बा जोबसांलांगोन। गोजोनै थानो हागोन।

कुम्भ: देहायाव जालु-जाला जानायफोरा जोबसांलाय नड। महर-मुसिआ गोमालानो हागौ। सांग्राडै था।

मीन: धोन-सम्फतिआ बांलांगोन। जेखि मावा मुलाम्फाखौ मोन्तो हागोन। मोजां सान।

हादरनि सा-सान्जा राइज्योफोरा भारत-म्यान्मार सिमनाखौ सील खालामनायनि बेरेखायै सोमावसारदों

गुवाहाटी, 10 फेब्रुवारी: हादरनि दरबै राइज्योफोरजों म्यान्मार सिमनाखौ सील खालामनाय मिरुनि थिरांथाखौ लानानै हाजोमा आरो हायेनखौ मोननै बाहागोआव बोखावनाय जादों। हायेननि सुबुंफोरा खुसि जादों, नाथाय बे समावनो हाजोयारिफोरा अजद होदों। मिजराम आरो नागालेन्डनि गिबि मन्थिफोराबो बेरेखा खालामनो ओंखारबोदों। मैतेइ हारिनि आफाद ककमीजों लोगोसे हायेननि आफादफोरा बुडेदि, बेयो दुथांफोरनि सोमावसारनायखौ होबथागोन आरो सिमनाफोरखौ रैखाथि होगोन। ककमीनि बुंथिगिरि खुरैजाम अथौबाया बुंदोंदि, मणिपुराव सोलिबाय थानाय हिंसायारि आंखालनि गुदियाव म्यान्मारनिफ्राय बेवहाय हाबफेनाय। बेराफारसेथिं, मिजरामनि गिबि मन्थि लालदुहमाया बुडेदि, सिमनानि फारनैथिजाय थानाय मिज'-ज'-चिन हारिनि सुबुंफोरखौ



ओन्सोलनि सिडाव आरो बाइजोआव थानायनिफ्राय होबथानो हाया। बिसोरो इराजफोरनि समाव हाइसिडेनो थि खालामनाय सिमनाफोरखौ गनायना लाया। बेनि गेजेराव, नागालेन्डनि गिबि मन्थि नेफिड रियआबो बुंदोंदि, नागालेन्डनि सोमोन्दे नागाफोरा सिमनानि फारनैथिंबो थायो। बेखौ मावफुंनयनि सिगां मिरुआ मोनसे गनायजाथाव फरमुला लाबोनांगौ। बेथिरांथानि सायाव नागा फरायसा आफाद

आमेरिकायाव भारतयारि फोलेरनि सासे सुबुंफोरेस्टुरेन्टनि बाइजोआव थरगैयै हालोदयाव बोखांदों


वाशिंग्टन, 10 फेब्रुवारी : आमेरिकानि राजथावनि वाशिंग्टनआव सासे भारतयारि फोलेरनि सुबुड जिउ गोमादों। 41 बोसोर बैसोनि भिभेक तने जाखौ गंसे रेस्टुरेन्टनि बायजोआव हुस गैयै थासारियाव मोन्दोंमोन। बेनि उनाव बिखौ देहा फाहामसालियाव लांनय जायो, जेराव बियो जिउ नागारो। बे केसआ थानाय 2 फेब्रुवारीखालिनि। आधिखालाव पुलिसआ बे केसजों लोब्बा गोनां खौरांखौ होदों। पुलिसनि बायदिव्ला थानाय 2 फेब्रुवारीयाव रेस्टुरेन्टनि बायजोआव भिभेकआ सासे सुबुंजों लोगोसे दान्थे-बिदन्थे जादोंमोन। बे समाव सानैनि गेजेराव बुलायलायनायबो जादोंमोन। जेब्ला जों बेयाव सौहैयो अब्ला भिभेकखौ बेहुस थासारियाव मोनो होन्ना पुलिसआ फोरमायदों। हायाव गोलैनायनि जाहोनाव बेनि खर'आव गोब्राब जोखोम जादोंमोन। बेनि उनाव बिखौ देहा फाहामसालियाव लांनय जायो, जेराव सानवानि उनाव 7 फेब्रुवारीयाव बियो जिउ नागारो।



पुलिसआ सिंसिटीभि पुटेसनि सायाव बिथा खालामनानै दायनिगिरिखौ नागिरागसिनो दड। बेनि सायाव 20,75,000 रोजा रनि बान्थाबो फोसावदों। आधिखालाव दायनिगिरिखौ सिनायनो हायाखे। फारसेथिं दावराव-दावसि जानायनि जाहोनाखौ मिबथिनो मोन्नाय जायाखे। बे गासै केसखौ पुलिसआ नायबिजिरागसिनो दड। मख'नो गोनांदि, भिभेकआ भाजिनिया राइज्योनि थागिबिमोन। बियो सासे टेक कम्पनीनि बिगोमामोन। बिनि सोमोन्दैयेंबो बारा खौरां

मोन्नाय जायाखे। बेनि साननै उनाव एबा 4 फेब्रुवारीयाव सिकाग'आव सासे फरायसानि सायावबो गाग्लोबदोंमोन। बे जाथायनि मोनसे भिडिअया नुजाथिदोंमोन, जेराव साथाम गाग्लोबराफोरखौ फरायसाखौ होसोनाय नुनो मोन्दोंमोन। बेनि उनाव बिसोर साथामबो फरायसाखौ गात्रियै बुनानै जोखोम खालामना फनखौ सेख'नानै खारदोंमोन। मख'नो गोनांदि, 2024 नि जानुवारी दाननिफ्रायनो दासिमाव आमेरिकायाव साब्रै भारतयारि फरायसाफोरखौ बुथाखांबाय।

पेटिएमआ इनबिटस सल्युशन्स प्राइभेट लिमिटेडखौ आवग्रिना लाबाय



गोदान दिल्ली, 10 फेब्रुवारी : पेटिएमआ गावनि इ-कमास प्लेटफर्मनि मुंखौ सोलायना होदों। कम्पानिया पेटिएम इ-कमासनि मुंखौ सोलायनानै पाइ प्लेटफर्म खालामनाय। लोगोसे अनलाइन खुसा फालांगियाव बाहागो बांहोनो थाखाय बिटसिलाखौ आवग्रिदों। बिटसिलाया अएनडिसियाव मोनसे फानग्रा जौसां। सुलुडव फोरमायनाय बायदिव्ला कम्पनीया गासै 3 दाननि सिगां मुं सोलायनो थाखाय आर'ज गाबदोंमोन। थानाय 8 फेब्रुवारीयाव बै कम्पनीया रैजिस्टारनिफ्राय गनायथि मोनो। बे फोरमानलाइनि अक्टनिफ्राय कम्पनीनि मुंखौ पेटिएम इ-कमास प्राइभेट लिमिटेडनिफ्राय सोलायनानै पाइ प्लेटफर्म प्राइभेट

लिमिटेड खालामना होनाय जायो। एलिभेशन केपिटेलआ पेटिएम इ-कमासखौ बयनिखुइ देरसिन शेयार खालामग्रा। बेयो पेटिएमनि गायसनगिरि आरो गाहाइ सामलायग्रा बिबानगिरि (सिडइ) भिजय शेखर शर्मा, साफ्टबैंक आरो इबेनिबो मदत मोनो। सुलुनि बायदिव्ला आधिखालाव इनबिटस सल्युशन्स प्राइभेट लिमिटेड (बिटसिला) खौ आवग्रिना लाबाय। बेखौ थानाय 2020 आव दिन्थिदोंमोन। बेयो फुल-स्टेक अमनिसेनल आरो हाइपर लकेल कमास गोहोजों लोगोसे अनएनडिसि फानग्रा जौसां महरै खामानि मावयो। अपेन नेटवर्क फर डिजिटेल कमास (अएनडिसि)आ फालांगि आरो उद्यग बिफाननि मोनसे थांखि।

साखा-फारा जागासिनो दं। मणिपुरनि सिमना ओन्सोलाव थानाय सुबुंफोरनि बायदिव्ला, सिमना बन्द खालामनाया सुबुं माहारिनि आंखाल सोमजिहोगोन। बिसोरोहा गोबां जौथायनिफ्रायनो थैनि सोमोन्दो दं। मोनफ्रोमबो खुसि आरो दुखुआ फेबाय थायो आरो थाबाय थायो। गोबां जायगाफोराव सिमनानि फारनैथिंबो सुबुंफोरनि न'फोर दं। जेबो रोखा बोखावनाय गैया। बेबादि थासारियाव मोखथाडरि जेनाफोरबो नुजाथिगोन। मिरु सरकारआ वृहस्पतिबाखालि भारत आरो म्यान्मारनि गेजेराव फ्री मुभमेन्ट रेजिम (एफएमआर) खौ फोजोबनो फोसावदोंमोन। बेनि जाहोनाव दरतै हादरनि गेजेराव सिमना खाथियाव थानाय

सुबुंफोरनि थालाय-फैलाया बन्द जाबाय। मिरु नख'र मन्थि अमित शाहया ससियेल मिडिया प्लेटफर्म एक्सआव बुंदोंदि, बे थिरांथाया भारतनि इसिडरि रैखाथि आरो सा-सान्जानि राइज्योफोरनि सुबुं सानखोखौ लाखिनो थाखाय लानाय जादों। भारत आरो म्यान्मारनि गेजेराव 1600 कि:मि: गोलाव सिमना दं। 1970 माइथायाव उदां थालाय-फैलायनि थाखाय दरनैबो हादरनि गेजेराव मोनसे गोरबोथा जादोंमोन। बेखौ फ्री मुभमेन्ट रेजिम थामहिनबा एफएमआर बुनाय जायो। बेखौ जोबथा 2016 माइथायाव गोदानै बानायफिन्नाय जादोंमोन। बेयो दरनैबो हादरनि सुबुंफोरखौ जेबो फोरमान

बिलाइ गैयाजासे गावजों गाव ओन्सोलाव थानो गनायथि होयो। मार्च 2023 माइथायनि खारि बायदिव्ला, म्यान्मारनिफ्राय फेनाय 31,500 रिफिउजिफोरा मिजरामआव थागासिनो दं। राइज्योनि नख'र बिफाननि बायदिव्ला, मिजरामनि गासै दर 11 जिल्लाफोराव म्यान्मारनि सुबुंफोर थायो। नभेम्बर 2023 माइथायनि नैथि ससाहायाव म्यान्मार रौनियाफोरा सिमना ओन्सोलाफोराव बमा बेरनायनि उनाव सा 5,000 नि बांसिन सुबुंफोरा मिजरामआव हाबफेदोंमोन। म्यान्मारआव रौनिया हाज्जा आरो बिग्रायारि हाज्जाफोरनि गेजेराव जानाय दाडबाजिनि गेजेराव सा 151 म्यान्मारनि रौनियाफोरा मिजरामआव हाबफेदोंमोन।


नख'र मन्थि अमित शाहआ सिएनि सायाव गिदिर थांखि फोसावदों

गोदान दिल्ली, 10 फेब्रुवारी: भारतीय जनता पार्टीआ बे समाव लकसभा बिसायख'थिनि थाखाय गोखौं थियारियाव नांथाबदों। बेनि गेजेराव मिरुनि नख'र मन्थि अमित शाहआ मोनसे गिदिर थांखि फोसावदों। लकसभा बिसायख'थिनि सिगां हादरनाडै नोगोरारि सोदंनय आयेन (सिए) आ गोहोम गोनां जागोन होना बुंदों। मोनसे हाबाफारिनि समाव मन्थिआ बेखौ फोसावो। बिथाड बुंबावोदि, सिएआ जायखि जाया सुबुंनि नोगोरारि मोन्थाइखौ सेखनाय नड। बेनि थांखिआ धोरामारि अनागारजों मोगा-मोगि जानानाय पाकिस्तानी, आपगानिस्तानी आरो बांलादेशि एसेल' सुबुं अनजिमा थानाय हारिनि सुबुंफोरनो भारतनि नोगोरारि मोन्थाइ होनाय। मिरुनि मन्थि शाहआ बुंदोंदि, बेबो कंग्रेसनि खोथा होनाय। जेब्ला हादतआ बोखाव जादोंमोन आरो बे समाव एसेल' सुबुं अनजिमा थानायफोरा पाकिस्तानाव गोग्लैनाय बाहागोनिफ्राय भारतआव फेनो हास्थायदोंमोन।



अब्ला कंग्रेसआ बिसोरखौ भारतआव फेनो थिन्दोंमोन आरो बिसोरनो नोगोरारि मोन्थाइ होनाय जागोन होन्ना बुंदोंमोन। मिरुनि मन्थि शाहआ बेरेखा दोलोनि सायाव मुसलमानफोरखौ फिदि-फिदा खालामनायनि दाय जाबसिन्दों। बिथाड बुंदों, जौनि मुसलमान बिदा-फं बायफोरखौ सिएएखौ लानानै फिदिनो नाजादों आरो थुन्जलायना होदों। सिएआ पाकिस्तान, आपगानिस्तान आरो बांलादेशनि एसेल' सुबुं अनजिमा थानाय हारिफोरखौ नोगोरारि होनायनि थाखायसो लाबोजादों। मख'जाथावदि, नेरेद्र मदि सरकारआ लाबोनाय सिएनि थांखिआ हिन्दु,

संसदआ पेपार लिक बायदि जाथायफोरखौ होबथानो बिल पास खालामबाय



गोदान दिल्ली, 10 फेब्रुवारी : पेपार लिक आरो बादायारि आन्जादफोराव गुबुन नेम-खाथिफोरनि सायाव होबथाग्रा बिलखौ संसदआ थानाय शुक्रबारखालि पास खालामना होयो। संसदनिफ्राय पास जानाय सुबुंफोरनि आन्जाद बिल-2024 आव बांसिनै 10 बोसोर जेलनि साजा आरो 1 कौटि रॉसिमनि जुरिमाना नांनयनि नेम-खाथि दड।

आन्जाद खुंग्राफोरखौ बे आइनिफ्राय आलादा खालामना लाखिनाय जादों। बे बिलखौ थानाय शुक्रबारखालि राइज्यो सभायाव बयनिबो गनायथिजों पास खालामना होनाय जायो। बे बिलआ थानाय 6 फेब्रुवारीखालि लकसभानिफ्राय पास जादोंमोन। राइज्यो सभायाव बे बिलनि सायाव

सावरायनायनि फिन्नाय होनाय हाबाफारि, सुबुंफोरनि अजद आरो पेन्सन राइज्यो मन्थिया बे बिलखौ लाइमोनफोरनि इयुनजों लोगोसे गेलेग्राफोरनि सायाव जाबसिन्ना होनो थाखाय लाबोदों। बे बिलनि थांखिया आन्जादनि नेम-खाथिफोराव बांसिनै फोथायनाय लाबोनाय आरो लाइमोनफोरनो फोथायहोनाय जायोदि, जाहाथे बिसिनि इयुनआ रैखाथि गोनां होन्ना फोथायजाथाव जायो। बेरेखा दोलोफोर कंग्रेस आरो तृणमुल कंग्रेसआ गोजौ सदनआव बे बिलखौ मदत खालामदों। नाथाय पेपार लिक, गेना-खाथि आरो गुबुन जाथायफोरखौ होबथानो थाखाय आरो मान दान्दाखौ जौसिन खालामनायजों लोगोसे रहाफोरखौ गोखौं खालामनो खावलायदों।

इरानआ हिजबुल्लानो मदत खालामनायखौ सोलि होलांबाय थागोन

बेरुत, 10 फेब्रुवारी : इराननि गुबुन हादतयारि मन्थि हुसेन आमिर आबुल्लाहेनआ थानाय शुक्रबारखालि बेरुद सौहैनायनि उनाव उतखारि आफाद हिजबुल्लाखौ मदत होनायखौ सोलिहोलांबाय थानायनि सायाव गोनांथि होयो। इराननि गुबुन हादतयारि मन्थिया लेपनाननि रैखाथिजों इरान आरो नसुंसे ओन्सोला गोहोम गोलेदों होन्ना बुंदों। इराननि गुबुन हादतयारि मन्थिया लेपनाननि बिबानगिरिफोरजों लोगो हमनानै हिजबुल्लानि दैदेनगिरि सेयद हसन नसरल्लाहजों लोगोसे सावरायगोन। हुसेनखौ लेपनाननि हिजबुल्लाजों लोगोसे उतखारि आफाद हामास आरो फिलिस्ताइनि इस्लामिक जेहादि

थान्देफोय बययो। उतखारि आफादफोरनि गाहाइ मदतगिरि इरानआ आमेरिकाखौ इज्राइलनि सायाव गाजापट्टियाव गावसोरनि दखल खालामनायखौ होबथानो खावलायदों। थानाय 17 बोसोरसिमाव गोजोन थासारि सोलिनायनि उनाव थानाय 8 अक्टबरआव हिजबुल्लाया इज्राइलजों लोगोसेनो लेपनान सिमनायाव गाग्लोबनायखौ जागयो। बेनि सानसे उनाव हामासआ खोला इज्राइलनि सायाव गावसोरनि गाग्लोबनायखौ जागयानानै दावहा खालामनायखौ जागयो। हिजबुल्लानि बिबानगिरिफोरे बुडेदि, जेब्ला गाजायाव इज्राइलनि गाग्लोबनाय बन्द' जागोन अब्ला सुंजेग्रे इज्राइलनि सन्थियारि आउटस्पर्टनि सायाव गाग्लोबनायखौ बन्द' खालामगोन।

गुबुन हादतयारि मन्थि जयशंकरआ अस्ट्रेलियानि पर्थआव दावबायहैदों

गोदान दिल्ली, 10 फेब्रुवारी: भारतनि गुबुन हादतयारि मन्थि एस जयशंकरआ अस्ट्रेलियानि पर्थआव सानैनि थाखाय दावबाय हैदों। बैयाव सौहैनानै बिथाडा शनिबारखालि टुरिस्ट एभेनिउआव दावबायहैयो आरो बैयाव थानाय भारतीय फोलेरनि दैदेनगिरिफोर, मख 'जाथाव सुबुफोरजों लो गो ह मो। मख 'जाथावदि, टुरिस्ट एभेनिउ लामानि मुखौ भारत हादरनि सांश्रि नैन सिं सैलानीनि मुडव दोदों। मन्थि जयशंकरआ सशेल मिडिया प्लेटफर्म एक्सआव मोनसे पस्ट शोयार खालामाननै बे खौरखौ होदों। लो गोसे नो बिथाडा माखासे भारतआरि फोलेरनि दैदेनगिरिफोर, मख 'जाथाव सुबुफोरजों लो गो ह मनानै गोजोन्याय मोन्यायखौ फोरमायो। मख 'नो गोनादि, नैन



सिं सैलानीआ 1885 माइथायाव 22 बोसोर बैसोआव भारतनिफ्राय अस्ट्रेलियाआव थांदोंमोन। सिगाडाव बियो पर्थनिफ्राय 400 किल 'मिटर साहा गोरलडन सहराव थायोमोन, जेराव बियो सासे लेभारनि खामानि मावनानै जिउ खांदोंमोन। उनाव 1916 नि फेब्रुवारी दानाव नैथि मुलुग

लो गो ह मो। भारतनि मन्थिआ एक्सआव मन्थि पेनिजों लो गो ह मनानै 7थि भारत लैथोमा सम्मेलननि 2थि साननि फुडव जथुमनाय मोनसे सावराय मेलआव बाहागो लानायखौ मिथिहोयो। बे समाव बिथांमोनहा भारत-अस्ट्रेलियानि सोमोन्दो, भारत लैथोमा आरो भारत-प्रशान्तिन शोयारि हितफोरनि सायाव सावरायो। मख 'जाथावदि, अस्ट्रेलियानि सहर पर्थआव 7थि भारत लैथोमा सम्मिलनखौ खुंफुनाय जादों। बेखौ भारतयारि गुबुन हादतयारि मन्थिनि इन्डिया फाउन्डेशननि गेजेरजों बोसोरफोरमो खुंनाय जायो। बे सम्मेलनआव दर 22 निबो बांसिन हादतफोरनि मन्थिफोर आरो दर 16 हादतफोर आरो मोन 6 आफादफोरनि गागि बिबानगिरिफोरनि दैदेनयाव थान्दै आफादफोर बाहागो लादों। □

माखासे राइज्योफोराव अखाया आगान होफैबावनो हागौ : बोथोर बिफानआ आपडेट फोसावदों

गोदान दिल्ली, 10 फेब्रुवारी : दिल्लीयाव दिने अखाडा खां जादों। अदेबानि दिने खुवाया दिल्लीखौ गावनि बेंखनआव बेंखननानै लायाखै। आधिखालाव खुवा खुनाया लान्थिये दिल्लीनि सुबुफोरनि जे नाखौ बांहोगासिनो दडा। सानजौफुनि समाव बैयाव सान्दु ओंखारदों। नाथाय खुवा खुनायनि जाहोनाव अब्लाबो गुसु मोन्दादों। बेनि अनगायै हाजोफोराव बरफ गोरलैनायाबो सोलिगासिनो दड, जायनि गोहोमखौ हायेनफोरावबो नुनो मोनगासिनो दडा। हाजोफोराव बरफ गोरलैनायनि जाहोनाव दिल्ली, हरियाणा, पान्जाब आरो इउपियाव गुसुआ बांदों। खुवा खुनायनि जाहोनाव सुबुफोरा जेनाजों भुगिनादों।



बोथोर बिफाननि बायदिब्ला इउपिजों लो गोसे माखासे राइज्योफोराव अखाया आगान होफैबावनो हागौ आरो बिदुडाबो दावखलायनो हागौ। स्काइ मेड वेडारनि रिपर्टनि बायदिब्ला फैगौ 24 घन्टानि गेजेराव सिक्कीम आरो उरुनाचलआव सरासन्हा अखा हानो हागौ। बेनि अनगायै हाजोआरि ओन्सोलफोराव बरफ गोरलैनो हागौ। बेराफासे 10-

14 फेब्रुवारीनि गेजेराव इस्टार्न मध्य प्रदेश भिदर्भ आरो छत्तिसगड आ आ सरासन्हानिफ्राय गेजेर थाखोनि अखा हानो हागौ। बेनि अनगायै सेन्ट्रल महाराष्ट्रआव 10 आरो 11 फेब्रुवारीयाव अखा हानो हागौ। बेराफासे फेगौ साननैनि गेजेराव मराठवाडयाव बो सरासन्हानिफ्राय गेजेर थाखोनि अखा हानो हागौ। बेराफासे 10-

अखा हानो हागौ। मिबथिनो मोन्याय बायदिब्ला, खोला-सान्दा उत्तर प्रदेश, बिहार आरो झारखण्डआव 13-14 फेब्रुवारीनि गेजेराव अखा हानो हागौ। फारसेथिं सोनाब बंग'आव 13-14 फेब्रुवारीयाव अखा हानो हागौ। मख 'नो गोनादि, थानाय 24 घन्टानि गेजेराव गासे हादतआव बोथोर खां जायो। आधिखालाव सिक्कीम आरो कस्टेल उरिष्याआव सरासन्हा अखा हायो। बेनि अनगायै हिमाचल प्रदेश आरो पान्जाबनि आलादा आलादा ओन्सोलफोराव खुवा-खुनायखौ नुनो मोन्दादों। फारसेथिं कस्टेल अन्ध प्रदेशनि आलादा आलादा जिल्लाफोरावबो खुवाया साग्लोबदों। अदेबानि बिहारआवबो माखासे जिल्लाफोराव गेजेर थाखोनि खुवा गाग्लोबदों होना बोथोर बिफाना फोरमायदों। □

अग्निबीरनि नख'रआ पेन्सन, गुबुन सुबिदाफोर मोन्जो हागौ



गोदान दिल्ली, 10 फेब्रुवारी: बिबाननि समाव गावसोरनि जिउखौ बाउसोमग्रा अग्निबीरफोरनि नख'रफोरा पेन्सन आरो सरासन्हा रैनियाफोर बायदि गुबुन सुबिदाफोर मोन्नांगौनि सायाव पार्लियामेन्टारि कमिटिआ बेखौ सुबुरुन होदों। सोलिबाय थानाय राहाफोरनि बादिब्ला, बिबाननि समाव बोलि जानाय अग्निबीरफोरनि नख'रआ सरासन्हा रैनियाफोर बायदि सुबिदाफोर मोना। नख'रनि दुखखौ गोसोआव लाखिनानै कमिटिआ सुबुरुन होयोदि, बिबाननि समाव बोलि जानानाय अग्निबीरफोरनि नख'रनि सुबुफोरा सरासन्हा रैनियाफोरनि नख'रफोर बायदि समान मुलाफ्फा आरो सुबिदाफोरनि मोन्थाइ थानांगौनि सायाव रैखाथिनि संसदयारि आफादआ गावनि बावैसोनि फोरमायथियाव बुडे। जुन 2022 माइथायाव सरकारआ रैनिया हान्जानि गासै मोनथाम

मावमिनफोराव अग्निपथ बिथांखि लाबोदोंमोन। बे बिथांखिनि सिडव लाइमोनफोरखौ गुसु समनि थाखाय सांश्रि हान्जायाव सोफानाय जाथो। अग्निभर बिथांखिनि थाखिया रैनिया हान्जानि मोनथाम मावमिनफोराव सानजेर बैसोखौ बाइड खालामनाय। अग्निबीर बिथांखिनि सिडव, 17 बोसोरनिफ्राय 21 बोसोर बैसोनि लाइमोनफोरा रैनिया हान्जानि गासै मोनथाम मावमिनफोराव हाबा मावनो खाबु मोनो। अग्निबीर बिथांखिनि सिडव थिसनजानाय 25 जौखोन्दो लाइमोनफोरखौ रैनिया हान्जायाव अरायथा कमिसन होनाय जायो। कमिटिआ बिबाननि समाव थैनाय

रैनियाफोरनो मोनफोम थाखोआव 10 लाख रनि अनसुथाइ रासिखौ बांहोनोबो सुबुरुन होदों। रैखाथि बिफाना कमिटिखौ बुंदोंमोनदि, आधिखालाव जात्रथाय एबा उतखारि हिंसा एबा समाज बेरेखा गुदिमुवाफोरनि गाग्लोबनायनि जाहोनाव बिबाननि समाव थैनाय रैनियाफोरनि नख'रनो 25 लाख रनि अनसुथाइ होनाय जायो। आधिखालाव बै रैनियाफोरनो 35 लाख रनि अनसुथाइ होनाय जायो, जाय सिमनायाव नालानाय एबा उतखारिफोर एबा लैथोआरि दाखथिफोरजों मोगा-मोगि जानायाव थैयो। बेजों लो गोसे दावहानि समाव सुथुरनि गाग्लोबनाय बोलि जानानाय रैनियाफोरनो 45 लाख रं अनसुथाइ होनाय जायो। कमिटिआ गावनि सुबुरुनआव बुंदोंदि, सरकारआ मोनफोमबो थाखोआव एक्स-ग्रेसियानि बिबांखौ 10 लाख रं बांहोनायनि सायाव गोथोयै साननांगौ। लो गोसे बेनि बाइडसिन बिबाड 35 लाख रं आरो बांसिन बिबाड 55 लाख रं जानांगोन। □

आमेरिकानि हावाइआव 5.7 गोख्रोंथिनि बांग्रि मावदों



वासिंटन, 10 फेब्रुवारी: आमेरिकानि हावाइआव गोख्रों बांग्रि मावदों। आमेरिकानि बांग्रि बिगियानगिरिफोरा बुंदोंदि, शुक्रबारखालि हावाइआव मोनसे गोख्रों बांग्रि मावदों, नाथाय सुनामिनि जेबो गिनांगौ गैया होन्नाने मिथिहोदों। इउएस जियलजिकेल सार्भेआ बुंदोंदि, हावाइनि गाहाइ द्वीपनि पहलानि खाथियाव 5.7 गोख्रोंथिनि बांग्रि मावदों, बेनि मिरुआ बुहुमनि सा बाहागोनफ्राय 37 कि:मि: (23 माइल) गोथोआवमोन। बे बांग्रिजों जिउ गोमोनाय आरो सम्पत्ति खहा जानायनि खौरं मोन्याय जायाखै। मोनसे गिदिर टेकटनिक प्लेटनि गेजेराव

थासेआवबो हावाइ सहरआ बुहुमनि मोनसे बांग्रि मावग्रा बाहागो। किलाउयाजों लो गोसे मोन 6 सांग्रं अरगें मोखांफोर दं। जाय दावबायारिफोरनि थाखाय गोसो बोनो हानाय गाहाइ मिरु। सुबुफोर हेलिकप्टरजों हावाइनि बिग आइलेन्डआव बेनि नुथायखौ नायनो फैयो। बेल् नड बेयो बुहुमनि बयनिखुइबो देरसिन अरगें मोखां मोना ल'आनि थावनिबो। जेब्ला बे अरगें मोखांआ 2022 माइथायाव बेरखांदोंमोन अब्ला बेयो ससाहसेसिम सिरि जायाखैमोन। फिन बेयो 4

जिथाइयाव गिबि खेबनि थाखाय बेरखांदोंमोन। लाभा फुंखाफोरा 60 मिटर (200 फुट) जौथायसिम दावखोदोंमोन, जायनि जाहोनाव गलिनाय लाभानि दैमाफोरा बोहैदोंमोन। बे समावनो थानाय ससाहायव आमैरिका नि राइज्यो अक्लाहमायाव बांग्रि मावदोंमोन। थानाय शुक बारनि हरआव आमेरिकानि अक्लाहमायाव मोनसे गोख्रों बांग्रि मावदोंमोन। इउएस जियलजिकेल सार्भे (इउएसजिएस) नि बादिब्ला, बांग्रिनि गोख्रोंथिआ रिक्टर स्केलआव 5.1 मोन। लिंकन काउन्टीनि लेइड इमारजेन्सि मेनेजमेन्ट डायरेक्टर शार्लेट ब्राउननि बायदिब्ला, बे जाथायाव रावबो जोखोम जानायनि खौरं मोननाय जायाखै आरो खहा जानाया बाइडमोन। बांग्रिनि जाहोनाव न'फोरनि सिडव थानाय सेल्फनिफ्राय बांसिन मुवाफोरा उलथायदोंमोन। इउएसजिएसनि बादिब्ला, बे बांग्रिआ शुक्रबार हरनि 11:24 रिगायाव मावदोंमोन। बांग्रिनि मिरुआ अक्लाहमानिफ्राय 8 कि:मि: सा-सोनाबाव प्रागनि अक्लाहमा सहरनिफ्राय 57 माइल (92 कि:मि:) सान्जायावमोन। □



गोदान दिल्ली, 10 फेब्रुवारी : रिटायरमेन्ट फान्ड बडि इपिएफअआ थानाय शनिबारखालि 2023-24 नि थाखाय इपिएफ जमानि सायाव 3 बोसोरनि गोजौ थाखोनि सुदिनि हारखौ 8.25 जौखोन्दो थि खालामो। थानाय 2023 नि मार्च दानाव इपिएफअआ 2022-23 नि थाखाय इपिएफआव सुदिनि हारखौ 2021-22 आव 8.10 जौखोन्दोनिफ्राय सरासन्हा बांहोनाने 8.15 जौखोन्दो खालामना होदोंमोन। थानाय 2022 नि मार्च दानाव इपिएफअआ गावनि 6 कौटिनिखुइ बांसिन बाहायग्राफोरनि थाखाय 2021-22 नि थाखाय इपिएफआव सुदखौ खमानयानै 40 बोसोरनि गाहाइ थाखो बायदिथै 8.1 जौखोन्दो खालामना होदोंमोन, जाय 2020-21 आव 8.5 जौखोन्दोमोन। बेयो 1977-78 नि उननिफ्राय बयनिखुइ खममोन, जेब्ला इपिएफ सुदिनि हारआ 8 जौखोन्दोमोन। सुलुनि बायदिब्ला इपिएफअनि गोजौ थांखि लाग्रा आफाव सेन्ट्रल बर्ड अफ ट्रास्टीज (सिबिटि) आ शनिबारखालि गावनि जथुमायाव 2023-24 नि थाखाय इपिएफआव 8.25 जौखोन्दो सुदखौ होनो थाखाय थांखि लायो। थानाय 2020-21 नि थाखाय इपिएफ जमायाव 8.5 जौखोन्दो सुदिनि हारखौ सिबिटिनि गेजेरजों थानाय 2021 नि मार्च दानाव थि खालामदोंमोन। सिबिटिनि थांखिनि उनाव 2023-24 नि थाखाय इपिएफ जमायाव टेक्सनि हारखौ गनायथिनि थाखाय रंखांथि बिफानबो दैथाइहनाय जागोन। सरकारनि गनायथि होनायनि उनाव 2023-24 नि थाखाय इपिएफआव सुदिनि हारखौ इपिएफअनि 6 कौटिनिखुइ बांसिन बाहायगिरिफोरनि एकाउन्टआव जमा खालामनाय जागोन। रंखांथि बिफाननि गेजेरजों सरकारनि गनायथि मोन्यायनि उनाव इपिएफअआ सुदिनि हारखौ होयो। थानाय 2020 नि मार्च दानाव इपिएफअआ 2019-20 नि थाखाय इपिएफ जमानि सायाव सुदिनि हारखौ दावखलायहोनाने 7 बोसोरनि गाहाइ थाखो 8.5 जौखोन्दो खालामना होदोंमोन, जाय 2018-19 नि थाखाय 8.65 जौखोन्दोमोन। □

2024 आव आमेरिकानि हादतगिरिआ आइजोयानो जागोन : भारतयारि फोलेरनि निक्कि हेलि



वाशिंटन, 10 फेब्रुवारी : आमेरिकानि रिपब्लिकन पार्टीनिफ्राय हादतगिरिनि बिजाथि जानायनि रेसआव आगुनि हादतगिरि डनाल्ड ट्राम्पनि सिगाडाव सासेल' बिजाथि निक्कि हेलियानि रेखा मोन्दां, जाय लान्थियै बिसायख'थिनि हाबाफारि मावगासिनो दड। निक्की हेलिया बुंनाय बायदिब्ला 2024 नि नभेम्बर दानाव आमेरिकियाव जानो गोनां सरासन्हा बिसायख'थियाव हादतगिरि मासियाव सासे आइजोयानो देरहासारनो हागोन। बिथाडा क मला हेरिसआनो आइजो

हादतगिरि जागोन होन्ना बुंदों। मख 'नो गोनादि, बिसोर सानैबो भारतयारि फोलेरनि। हेलिया बुंदों, बियो नेवाडायाव करारी शिकस्तनि उनावबो हादतगिरि बिजाथिनि रेसआव थागोन। बिथाथि बिथाडा डनाल्ड ट्राम्पनो सिगाडाव खेबनै भट होदोंमोन। इउएनि थान्दै महरै बनि खुंथायाव सिबिथाइ होखांनानै बिथाडा गोरगानाय मोन्यायखौ फोरमायदों। मोनसे मोगा-मोगियाव बिथाडा बुंवावदों, जों दरसे बायफलेनाय हादत आरो

अरजों खाबनाय मुलुगखौ दानो हाया। जों बेनिफ्राय रैखा मोन्याय नडा। ट्राम्पआ आधिखालाव सरासन्हा बिसायख'थियाव देरहानाय नडा। बियो सैथो होन्ना निक्कि हेलिया बुंदों। ट्राम्पनि सायाव नोजोर खोख्लैनाने हेलिया बुंवावदोंदि, जों 2018, 2020 आव जेन्दां। बेनि उनाव 2022 आवबो जों जेन्दांमोन। दासिमबो बनि सायाव माखासे बिजिरसालिया के स सालायागासिनो दड। ट्राम्पनि सायाव गाग्लोबना जों बेनि दैदेनयाव जेन्यायजौल' मोगा-मोगि जानादों होन्ना बुंदों। पार्टीनिफ्राय हादतगिरिनि बिजाथि जानो थाखाय ट्राम्पआ थानाय बूहस्पतिबारखालि नेवाडानि रिपब्लिकन हादतगिरि मासिनि बिसायख'थियाव देरहासारनो हायो। मख 'नो गोनादि, निक्कि हेलिनि जौनोमा पान्जाबनि अमृतश्वरआव गुबुन हादतयारि नडै शिक बिमा-बिफानि न' खोला केरलनायाव जादोंमोन। □

कंग्रेसनि डिएनएआ अबिसि हारिनि बैरेखा : एमपि हरनाल यादव

नागपुर, 10 फेब्रुवारी : गाहाइ मन्थि नेन्ड मदिनि सायाव कंग्रेसनि दैदेनगिरि राहुल गान्धीनि बिबुंथि होनायखौ लाना बिजेपिनि एमपि हरनाल यादवआ गोख्रों बात्राजों गाग्लोबदों। बिथाडा शुक्रबारखालि सांथि खालामदोंदि, राहुल आरो सनिया गान्धीया गावसोरनि हारि आरो धोरोमखौ बुंथिनो हागोन नाम? गाहाइ मन्थि मदिना उन जानानै थानाय हारिनिफ्राय फैनानै हादतनि गाहाइ मन्थि जाफेनायखौ कंग्रेसआ गनायना लानो हायाखै। बिथाडा बुंवावोदि, जाय सुबुड गावनि बागैनो मिबथिया बिहा बेबायदि बात्रा बुंनारनि जेबो मोन्थाइ गैया। कंग्रेसनि डिएनएआ उन जानानै थानाय हारिनि बैरेखा बिसोरो गाहाइ मन्थि मदिना उन जानानै थानाय हारिनिफ्राय फैनानै हादतनि दैदेनगिरि जानायखौ हजम खालामनो हायाखै। हादतनि सुबुडगाव आधिखालाव राहुल गान्धीखौ गोथोयै नोजोर होया आरो बियो हारसिडेनो कंग्रेस पार्टीखौ सिलिंखार खालामलांगसिनो दड। मख 'जाथावदि, बावैसो सिगां उरिष्याआव राहुल गान्धीया गावनि भारत जडु न्याय यात्रानि समाव मोनसे बिबुंथि होनाने गोख्रों अजद सोमजिखां होदोंमोन। राहुलआ बुंदोंमोनदि, गाहाइ मन्थि मदिनि जौनोमा सरासन्हा हारियारि थाखोआव जादोंमोन, जायखौ बिजेपिया सिगाडाव सांखारिदोंमोन। एमपि यादबनि अनगायै माहारियारि उन जानाय थाखो आयगनि आफादगिरि हन्स राज अहिरआबो राहुल गान्धीखौ सांखारिनाने निमाहा बिनांगौ होन्ना दाबि

खालामदों। अहिरआ दायबो जाबसिन्दादि, राहुल गान्धी आरो कंग्रेसआ हारिखौ लानानै गावसोरनि गुसेब गोसोजों होनाय बिबुंथिनि गेजेरजों हादतआव गावसालायनाय लाबोनो नाजादों। हादतआव कौटि कौटि अबिसिफोरा गाहाइ मन्थि मदिनि हँथायै राहुल गान्धीनि होनाय बिबुंथिखौ लाना राग जादों। गुजरात सरकार मोनसे सार्भेनि उनाव 25 जुलाइ, 1994 आव मध घांचि हारिखौ अबिसि फारिलाइयाव थिसन्यायनि बिथोनमा फोसावदोंमोन होन्नाबो आहिरआ बुडो। फारसेथिं महाराष्ट्र बिजेपिनि आफादगिरि चन्द्र शंकर बाबनकुलेआबो गाहाइ मन्थि मदिनि सायाव होनाय बिबुंथिखौ लाना कंग्रेसनि दैदेनगिरि राहुल गान्धीनि सायाव गोख्रों रवजों थांखियो आरो बियो गाहाइ मन्थि, हादतआव थानाय गुबुन अबिसिफोरखौ अफमान खालामदों होन्ना बुडो। जानो गोनां लकसभा बिसायख'थियाव हादतनि सुबुफोरा राहुल गान्धीखौ खिथेर लागोन। गासै महाराष्ट्रआवनो राहुल गान्धीनि हँथायै गोख्रों खुद्रिसारदों होन्नाने बिथाडा दाबिबो दैखाडोदि, इताबलि नख'राव जौनोम मोन्याय राहुल गान्धीया मदिखौ अफमान खालामदों। जेब्लाबो राहुल गान्धीया मदि आरो गासै अबिसि समाजखौ अफमान खालामो। बेनिखायनो गासै भारत आरो अबिसि समाजआ राहुल गान्धीनि हँथायै लामायाव ओंखारना खुद्रिसारदों होन्ना चन्द्र शंकरआ बुंवावो। □

बिजेपिनि माहारियारि आफादगिरि जेपि नडुआ लकसभा बिसायख'थि बादायनाय नडा

गोदान दिल्ली, 10 फेब्रुवारी: भारतीय जनता पार्टी (बिजेपि) नि माहारियारि आफादगिरि जेपि नडुआ जानो गोनां लकसभा बिसायख'थियाव बादायनाय नडा। बिथाडा फिन राइज्यो सभानि एमपि जानानै थागोन होन्ना सुलुड फोरमायदों। बुंनायजादोंदि, जेपि नडुखौ राइज्यो सभानि फेगौ टर्मनि थाखाय उत्तर प्रदेशफ्राय सायख'नानै राइज्यसभानि एमपि महरै दैथाइहरनो हागौ। मख 'जाथावदि, बिजेपिनि माहारियारि आफादगिरि महरै बिथानि सायाव बिसायख'थि बादायहोनायनि गिदिर बिबान दड। नेनिखायनो बिथाडा गाव लकसभा बिसायख'थियाव बिजाथि महरै गासनाय नडा। बेनि अनगायै सुलुडा दाबि दैखांबावोदि, आधिखालि मिरुनि रंखांथि मन्थि निर्मला सितारमनआ गुबुन हादरारि मन्थि एस जय शंकर बिथांमोनहाबो 2024 नि लकसभा बिसायख'थियाव बादायनाय



नडा। मख 'जाथावदि, बिथांमोनहा सानैबो राइज्यसभानि एमपि। फारसेथिं धर्मन्ड प्रधान, भुपेन्द्र यादव आरो मुर्लि धरन बिथांमोनहा लकसभा बिसायख'थियाव बादायगोन। □

हल्ड टिकटआदिनि गेजेरजों टिकट फान्नायनि रादाय

गाहाइव मख 'नाय खामानि थाखाय गाहाइनि मुन्थियारिआ इ-टेकर हांखायदो: फारि नं. 11 टेकर फोरमायथि नं. सि/407/आएएफ/हल्ड/इपिएफ अन्ध: 07-02-2024। खामानि मुं: सा-साना सिमना रेलवे सिडव थानाय रईया मन्डनि गुवाबाना (बिएसए) हल्ड रेसमनाय 05 बोसोरनि मोनसे सिमनानि थाखाय कमिसननि थियायव हल्ड टिकटअदिनि गेजेरजों टिकट फान्नायनि रादाय गाथायगाथि थाखाय गोसो-गुदु बिजाथिनिफ्राय आ 'न' बिलाड हांखायदो: टेकर वेसिन: 1,000 रं। फारि नं. 21 टेकर फोरमायथि नं. सि/407/आएएफ/हल्ड/इउकेइ अन्ध: 08-02-2024। खामानि मुं: सा-साना सिमना रेलवेनि सिडव थायाय रईया मन्डनि उरिष्याआव (इउकेइ) हल्ड रेसमनाय 05 बोसोरनि मोनसे सिमनानि थाखाय कमिसननि थियायव हल्ड टिकटअदिनि गेजेरजों टिकट फान्नायनि रादाय गाथायगाथि थाखाय गोसो-गुदु बिजाथिनिफ्राय आ 'न' बिलाड हांखायदो: टेकर वेसिन: 1,000 रं। टेकर जमा खालामनायनि जेवया अन्ध आरो सान: 13-03-2024 अन्धनि 15:00 रिगासि आरो वेवेकवागोन: 13-03-2024 अन्धनि 15:00 रिगा। आउडु निबिथोनि थाखाय www.ireps.gov.in वेबसाइयाव नावनो हागोन।

डिआटएम (डि), टिकिया सा-साना सिमना रेलवे

मिनिस्त्वयनो ग्राहककोनो सिबिथाय होनाय

स्टिल टिकट गाडारखौ लुनाय, जगायनाय आरो फेदिकेपसल

टेकर फोरमायथि नं: डिमिबिएए/01/2024/एएएलए, अन्ध: 08-02-2024। गाहाइव मख 'नाय खामानि थाखाय मुन्थियारिआ इ-टेकर हांखायदो: टेकर नं: डिमिबिएए/01/2024/एएएलए, खामानि मुं: खंडल-रईया दादाहाय फि: 2677-8 आव फिन नं. 450 (5 X 12.2 मि.), फि: 2795-6 आव फिन नं. 458 (4 X 12.2 मि.), फि: 2813-4 आव फिन नं. 459 (4 X 12.2 मि.), फि: 3235-6 आव फिन नं. 486 (5 X 12.2 मि.) आरो डि आउडुनिफ्राय-खंडल दादाहाय फि: 2290-1 आव फिन नं. 282 खंडल (6 X 12.2 मि.), फि: 236/6-7 आव फिन नं. 292 खंडल (6 X 12.2 मि.), फि: 2385-6 आव फिन नं. 294 खंडल (2 X 12.2 + 1 X 18.3 मि.), फि: 2810-1 आव फिन नं. 296 खंडल 2 X 12.2 मि.), फि: 213-4 आव फिन नं. 339 (1 X 12.2 मि.) 34 X 12.2 मि. आरो 1 X 18.3 मि.) साननि फिन बिल गाडारखौ लुनाय, जगायनाय आरो फेदिकेपसल टिकट वेसिन: 11,71,98,762.73 रं; टेकर रैखाय: 7,36,000 रं; गोबीयाव मख 'नाय खामानि कोसाव बिलाड 11-03-2024 नि 15:00 रिगासि आरव वेवेकवागोन। टेकर वेवेकवागोन अन्ध आरो सान 11-03-2024 नि 15:05 रिगाय। गोबीयाव मख 'नाय इ-टेकरनि आउडु फोरमायथि आरो टेकरनि फोरमानलाखौ http://www.ireps.gov.in वेबसाइयाव मोनो हागोन।

लेडाइ सिड/बिजि-लाइन, मालिगाव सा-साना सिमना रेलवे

मिनिस्त्वयनो ग्राहककोनो सिबिथाय होनाय

दैमानि दैया गोदै आरो लैथोमानि दैया गोबाब जायो मानो ?

जायखि - जाया कम्पेटिटिभ एक्जाम एबा बादायलायनाय आन्जाद जाया मानो बेखो मोजां नम्बर लानाने जाफुंसार जानो थाखाय जेनेरेल नलेडज आरो कार्टे एफेयर्सनि सायाव मोजाडै हानाया गोनांथार। मानोना बेजो लोब्बा थानाय गोबां सोंथिफोरखो गसैबो आन्जादआवनो सोनाय जायो। दिने बेजो लोब्बा थानाय मोनसे गोरलै सोंथि लानाने फेदो। नाथाय गोरलै सोंथि होन्नाबो बेखो बुंजानाय नड। मानोना जोंनि गेजेरावनो गोबांआनो बेसोंथिखो माब्लाबा खोनादोब्लाबो बेनिफिन्नायखो मिबथिया जानांगो। अदेबानि फिन्नायखो जों मिबथिगोब्लाबो बेखो थार फिन्नाय होन्ना गोबांआनो मिबथिया जानांगो।

1. गिबिसिन सोंथिया जादों सुबुड मानो भेरिफोरौ दासिमबो न'आव फिसिनो हायाखै ? बेनि फिन्नाया जादों भेरिफोरौ हान्जायाव जिउ खुडो आरो बिसोरौ जुदि हान्जायै सोरखौबा गालोबोब्ला बेनि रेखा मोन्नाया जोबोद गोबाब। बिसोरनि जुथायै एबा समाजारि गोरोबथा थानाया जोबोद गोखो। माब्लाबा सुबुडा बेखो फिसिनो सानोब्लाबो जाफुंसार जानो हानाय नड। फारसेथि फिसिनो लाबोयोब्लाबो गसै ओन्सोलखौनो सिलिंखार खालामगोन। मख'जाथावदि,



बैसो जानाय एबा बोराय-बुरै जानाय भेरिफोरौ माब्लाबाबो मैहुर खालामा। बिब्दियाव बिसोरनि हान्जायाव थानाय गोखो एबा देरफुनाय भेरिफोरौ मैहुर खालामानै हान्जा एबा नख'रखौ खाडो। बेजो लोगोसे भेरिफोरौ नख'र एबा हान्जानि सासेबो सोद्रोमाखौ गावसोरनिफ्राय आन्जायावहोया एबा जानगर खालामा।

2. नैथि सोंथिया जादों फ्लाइटआव पायलड आरो क-पायलटनो जाग्रा आदारखौ मानो गुबुन गुबुन होनाय जायो ? बेनि फिन्नाया जादों फ्लाइटआव पायलट आरो क-पायलटनो मोनसे समावनो जाग्रा मुवा होनाय समाव सानैनोबो रोखोमसे होनाय जाया। बेनि जाहोना जादों माब्लाबा समाव सासेनि जाग्रा आदारआव

माबाफोर जेंना थायोब्ला गुबुन सासे पायलटआ जाहाथे एखे आदारखौ जानानै जेंनायाव गोरलैया। बुनाय जायोदि, फुड पयजनिफ्राय रेखा मोन्तो थाखाय आरो सानै पायलटनि गेजेराव सासेनि देहायाव जेंना सोमजियोब्ला गुबुन सासेया फ्लाइटखौ रेखाथियै थांखिसिम सौहैहोना हानायनि थाखाय पायलट आरो क-पायलटनो मोनसे समावनो आदारखौ गुबुन गुबुन होनाय जायो। मानोना फ्लाइटआव दावबायारिफोरनि आबु' रेखाथि बिबानआ पायलटनि आखायाव थायो।

3. गुबुन मोनसेबाव सोंथिया जादों दैमाफोरनि दैया गोदै जायो नाथाय लैथोमानि दैया मानो गोबाब जायो ? बेनि फिन्नायखौ जों गोरलैयै होनो हायो। दैमाफोरखौ नोजोर

होयोब्ला नुनो मोनोदि, बेनि दैया नित्रा, दैबाचुम आरो दैमु दैनिफ्राय बोहैबोनाय। बेनिखायनो दैमाफोरनि दैया गोदै आरो मैला गैयैबो जायो। फारसेथि लैथोमायाव संखिनि बिबांआ गोबां थायो। बे संखिया दैमाफोरनिफ्राय फैनानै जमा जाफैयो। लैथो-लैथोमाफोरराव बयनिखुडोबो बांसिनै संखिया दैमा-दैसाफोरनि गेजेरजोंनो सौहैयो। मानोना अखाणि दैया गलायनाय गैयै जायो आरो जेब्ला बेयो हायाव गोरलैना अन्थाइफोरवाव नांफैयो अब्ला बेखौ सोबानानै लायो आरो बेनिफ्राय सोमजिखानाय आइरनआ दैमानि दैजों लैथोमायाव गोरोबहैयो। बेबायदिनो लैथोमानि दैया जोबोद गोबाब जायो।

टाइटानिकनिफ्राय 5 गुण देरसिन जाहाजनि टिकेट बेसेना सोमोनांथाव !

मुलुगनि बयनिखुडो देरसिन जाहाजनि बागे गोबां सुबुंफोरनो मिबथिया। गोबाव बोसोर सिगां गिखंथाव खैफोदआव गोरलैना गोबां सुबुंफोरनि जिउ ख'हा जानाय टाइटानिक जाहाजनि उनाव बेनिफ्राय देरसिन जाहाज बानायनाय जादों। नाथाय बेनि बागे बांसिन सुबुंफोर मिबथिया। दिने जों मुलुगनि देरसिन जाहाजनि बागे मिबथिहोना सिगांदों। बेनि मुडनो जाबाय आइकन अफ सिज। बे जाहाजखौ रयाल केरेबियान इन्टरनेशनलआ बानायदों। टाइटानिकनि उनाव बे जाहाजखौ मुलुगनि बयनिखुडो देरसिन



जागोन। बे जाहाजआव मोन 7 सुइमिं फुल आरो लैथोमायाव थानाय बयनिखुडो देरसिन वाटर पार्क बानायनाय जादों। मुलुगनि बयनिखुडो देरसिन जाहाजआव दावबायनायनि बाश्रा बुडोब्ला बेनि टिकेटनि बेसेनखौबो मख'नाया गोनां जानानै फैयो। बे जाहाजजों मियामिनिफ्राय सोनाब केरेबियानसिम गसै 7 हर दावबायनाया बयनिखुडो बेसेन खमसिन बुकिं जागोन, जायनि टिकेटआ 8151 डलरनि जागोन। बेनि बेसेनखौ राडव सोलायोब्ला 1.5 लाख रं जागोन। बे जाहाजनि बयनिखुडो बेसेन गोसासिन टिकेटखौ 8.90 लाख राडव बायनांगोन।



जाहाज होन्ना गनायनाय जादों। आथिखालाव जाहाजआ सिबिथाइ होथ'याखै आरो फैगो बोसोराव जाहाजआ गिबि यात्रायाव ओंखारगोन। आथिखालाव बे जाहाजखौ लानानै जेसेबां सावरायनाय जादों एसेबांनो बै समाव टाइटानिक जाहाजखौ लानानैबो सावरायनाय जादोंमोन। अदेबानि आइकन अफ दा सिजआ टाइटानिकनिफ्रायबो 5 गुण देरसिन। बे जाहाजनि इन्टरनेल डेनसिडिआ 2,50,800 गिगाटन। टाइटानिकनि इन्टरनेल डेनसिडिआ 46,328 गिगाटनमोन। बे जाहाजजों दावबायनाया सुबुंफोरनि एडभेन्सोरखौ मोनसे गोदान थाखोयाव लांगोन। नख'रैना एबा आंगो लोगोजों बे जाहाजआव छुट्टि फालिनाया जिउनि मख'जाथावसिन मोन्दांथि एबा गोसोखांथि



सना आरो रुफानि बेसेना दावख्लायदों

गोदान दिल्ली, 10 फेब्रुवारी : ग्लबेल मार्केटआव बेसेन गोसा धातुफोरनि बेसेनफोरव दावख्लायनायजों लोगोसे माहारियारि राजथावनिनि सर्राफा बाजारवा थांनाय बृहस्पतिबारखालि सनाया 70 रं दावख्लायनायजों लोगोसे 10 ग्रामआव 63,300 रं जाहैयो। एचडिएफसि सिंकिडरिटिसआ बेनि खौरं होदों। थांनाय फालांगियारि जथुमायाव सनाया 10 ग्रामआव 63,370 राडव बन्द' जादोंमोन। आथिखालाव रुफानि बेसेना 1 किल'आव



74,600 राडव सौहैयो। एचडिएफसि सिंकिडरिटिसआव गागि बिजिरगिरि सौमिल गान्धीया बुडोदि, गुबुन हादतयारि

कमडिडि एक्सेन्सआव थांनाय एप्रिल दानाव 84 रं एबा 0.13 जौखोन्दो दावख्लायनायजों लोगोसे 10 ग्रामआव 62,440 रं थाहैदोंमोन। बेयाव 14,217 लटनि फांलागि जायो। बाजार नायबिजिरगिरिफोरौ बुडोदि, फालांगिरिफोरनि गेजेरजों सनानि बेसेनाव दावख्लायनाय फेदों। मुलुगयारि थाखोयाव निउयर्कआव सनाया 0.19 जौखोन्दो दावख्लायनायजों लोगोसे मोनफ्रोम आउन्सआव 2,047.90 आव थाहैयो।

बाजारफोरनिफ्राय खौरं लानानै दिल्लीनि बाजारफोरव सनानि बेसेना 10 ग्रामआव 60,300 राडव सौहैदोंमोन। माल्टि

रंजालि गथ'फोरनि सौरा

आंहाबो दंजानायमोनब्ला

एरैबायदि अनगौमोन आं जाय अननाया गुबुनजों रुजुजाया, एरैबायदि जोथोन खालामगौमोन आं जाय जोथोनजों दावदैयाबो बाया गुबुननि बायदि जुदि आंहाबो सासे अनसुलि दंजानायमोनब्ला... शाहजाहाना जेरै बाइदि गावनि अननायनि नेरसोनखौ दिन्थिनो रुंसारि बिसि ममताज महलनि मुडै समायना रमायना ताज महलखौ लुहोदोंमोन आंबो आंनि थार गोसोयाव समायना गंसे मन्दिर लुगौमोन, गुबुननि बायदि जुदि आंहाबो सासे सति दंजानायमोनब्ला... नुबावगौमोन आंबो गंसे गोदान राज्यो जेराव नुयो बायदि रोखोमनि दावहा, सोमजिगौमोन आंनाव गोदान सानसि जाय सानसियाव बेरखाडो समानथि, गुबुननि बायदि जुदि आंहाबो सासे थार लोगोरि दंजानायमोनब्ला।

दान्दिजोर गैथि आंनि जिउआ

जोनोम मोन्दों आं नाथाय अमर नड थेवबो गेलेदोंदि भावथिनागिरिनि देरा, जेराव नुफेदों सिमानि बिबानफुरियाव बारग'नाय नड थैनाया जे अरायनि।

थैनायनि जेबो सिमा आरो सम गैया आदि माब्लादि थैगोन रावबो मिथिया, थैनोखौ रावबो लाखिनो हानाय नड बेनिखायनो आंनि जिउआ बिदिनोसै।

सानसे आंखौबो गोथौ हाखर जावना, सानसे आंखौबो अरनि दुंथाइ होनानै, हा आरो हाथ'फलानि महर मोनगोन अब्ला बयबो आंखौ बावगारलांगोन।

होनब्ला आं जे थैखागोन,बेयो सैथोखा बेयाव मानिथो सानैजोंनि गेना-गोरौथि, आंनि थैगोनखौ आंनो मिथिनाय नड थेवबो थैनायनि सिगां आं नोंखौ.....।

औवा बाथिजों रोगानो आंनि सोमोन्दो गोथै सोलेरनि हां गैथि ब'बा जायोब्ला, गाबनो दासान सुहाबखोनाय सोलेराव जेराव बै समाव आं नोंजों जुजिबावला।

आं थैनोखौ गिया, आं जुजिनोबो गिया, नाथाय बै रादायनि गोथौ सोमोन्दोआसो, आंखौ थैनो होया, आंखौ नागरनो होया ? जेन नोंनो थानायनि आंखौ गोहो होयो।

ज्योतिष मुछहारि जनता फरायसालिमा (सेरफांगुरि), कक्राझार

नों नडाब्ला

सान्दोंमोन आं बे जोनोमाव नोंनि अनगा रावखौबो लाया नाथाय दिने नों मा जाहोननि थाखाय आंखौ बावगारलांखो मा दाय मावफलांआमोन आं नोंनि सायाव निमाहा होदो नों अनजालुआ गावनि असे सानानै। गोरौथि खालामबाय नों अनजालुआ आंखौ बावगारनानै नोंनो आंनि गिबि आरो जोबथामोन सान्दोंमोन आं बे जोनोमाव नोंनि अनगा रावखौबो लाया सुजुदोंमोन आं नोंनो दोंसे माला अखांआव थानाय अखाफोरा जेरै होयो जोंनो जोंनाव स्रां बेबायदिनो आं नोंनि सायाव स्रां लानो सान्दोंमोन। नाथाय सान्नाय बे आंनि फेमाल नेनानै थागोन आं नोंखौ बे जोनोमाव मोनाब्ला बै जोनोमाव जुगे जुगे जुग जुग सान्दों नों अनजालुआ आंदि नोंखौ दाबो, दिनेबो अरायबो मोजां मोनो आंदि नोंखौ थैस' थंस' बावआ रजे

मिस सुप्रिया मोसाहारि फरायसालि- इउ एन एकाडेमि

विदाय

जोनोमनिफ्रायनो महर मुसि गोनांखा नों महरजों आबु बुंफनाय सोलेर लाना मा मुहिनि सारफाव फैया, थांलाय-फैलाय लोगो मोनफलेबाय थानायावनो गानो रोडे बेरामा आंनि गसै गोबोंयाव बाहा लाफैबाय। नोंनि जौस्रा -देरसां महर मोखांआ जेबो मिथिस'थै मेगनजों इसारा हरोब्ला सान्नाय आंनि गोनों-गोथोयाव बोदोर जायो। अराय जोंनि देरायाव गुलि गुलि गेलेफैग्राया मानोबा समबावसि बावसिल' नुजाफैग्रा जाबाय रजेया। गोरौथि साननायखौ नेवसिनो बिदायनि गान्थिखौ गोरा बोसोनो थोर थोर मावनानै खर'ल थिखानानै फिनदोंमोन 'बिनो' बिदायनि 'थि' समाआ फुंनि बा रिंगायाव जागोन।

मिस समाइना हाज'वारि इउ एन एकाडेमि, कक्राझार ला:सो:- धुपधारा जिला- गवालपारा

माबोरै फोरमायबावो

माबोरै फोरमायबावो आं स'ना आंनि गोबोंनि मोजां मोन्नायखौ, गोहो गैया आंहा स'ना नोंनिसिम फोरमायहरनो। सानफ्रोमबो बुंनो बुंनो सानो, नाथाय नोंनि महरखौ नुब्लानो लाजिनानै फावसय फिन्नांगो जायो। बुजिदो स'ना आंनि मेगननि इसाराखौ आंनि गोबोंनि मोजां मोन्नायखौ, नोंखौ नुजेनायनिफ्रायनो बेसेबां मोजां मोन्दोंमोन आं नाथाय मानो नों आंजों राइज्लाइया ? खालामो मानो नों आंखौ एरा एरा ? बिखाया बायफलेजोबो स'ना, नोंजों राइज्लाइजायैयाव। मोहेर मोहेर दाखालाम नों आंखौ स'ना, नोंखौ हास्थायनायनि थाखाय गोसोआव दुखुबो होनो दासान। थाबायनाय समाव गल'ल' नायनानै नोंबा सानो आंखौ मा ? आंबो हमदंनो मोनाखैसै स'ना, आंदि नोंखो मानो एसेबां हास्थायखो बुजिनो रोडोब्ला बुजिदो नों, आंनि गोसोनि हास्थायनायखो बे सुंद' खन्थायनि गेजेरजोंनो।

निन्द बसुमतारि काशिकत्रा (कुमगुरि) चिरां

मिस देंखो राणी ब्रह्म।

मुं दं नाथाय थं गैया

बेसेबा गोबाव जाबाय नोंखौ मोजां मोन्नाया। जिउआव खनसेल' नुडे आं नोंखौ बेवनो जाबाय आं नोंखौ..... नुफिनगोनना नुफिनला मिथिया जाफुंगोनना जाफुंला मिथिया, बावनो सानब्लाबो बावनो हाला नोंनि बे अनसुला महरा जाखां फैबाय थायो, गोबों बिखायाव दोहो-दोहो जानायनि, लोंनायनि, फरायनायनि मादि हायना सारफावखो नों आंनाव। खेवसे नुनायावनो आं नोंखौ बावनो हायै जाबाय, मुंआ जेरै नोंनि..... बेखायनो गोसोआवबो बिरलाडो नोंनिथिल' मुंल' दं नोंनि आंनाव, गैया नाथाय थं नोंनि आंनाव।

मिस बन्दना माहिलारि जिला-कक्राझार, बि टिस (आसाम)

भवानिपुर दखरा फरायसालिमायाव बजालि खुंथाय आरो आइजो-गथ'सा जौगाखां बिफाननि बिज्ञान मेला खुंदौं

भवानिपुर, 10 फेब्रुवारी: भवानिपुर दखरा फरायसालिमानि बान्जायनायाव बजालि जिल्ला खुंथाय आरो बजालि जिल्ला आइजो आरो गथ'सा जौगाखां बिफाननि हेफाजाबजो 'बेटी बचाओ, बेटी पढ़ाओ' हाबाफारि खुंथायनि थांखिजो फरायसापोरनि गेजेराव दिने बिज्ञान मेला आरो बादायलायनाय, सांग्रांथियारि मेल खुंथाय जायो। लो गोसे बिज्ञाननि हारिमायारि आइजो आरो हिन्जावसा सान फालिनाय जायो। बेनि लोब्बायै आइजो आरो हिन्जावसा जौगाखां आरो गोहो होनायजो लो गोसे रैखाथिनि सायाव खुंथाय सांग्रांथियारि मेलाव बराय बिबुंथि होयो भवानिपुर दखरा फरायसालिमानि गोरयुं



ऊ मुकुन्द शर्माआ। भवानिपुर दखरा फरायसालिमानि सानखान्थि बिफाननि लो गो प्रफेसार अभिजित बराआ दैदेनाय आरो थांखि बेखेवनाय सांग्रांथियारि मेलाव बजालि जिल्ला समाज अन्साय बिानगिरि पिंरि देब नाथ, बिफानारि बजालि जिल्ला

मिशन क-अडिनेटर भाग्यश्री दास, बजालि जिल्ला बिथांखि हेफाजाबगिरि बबिता रय, भवानिपुर जथाय गथ'सा जौगाखां बिथांखिनि सुपारभाइजर सेवालि कलिताआ थिखानाय आयदानि सायाव बिबुंथि होयो। सांग्रांथिया मेलाव फुंखा सुबुं महै बिबुंथि होयो भवानिपुर दखरा फरायसालिमानि जिब बिज्ञान बिफाननि लो गो प्रफेसार तुष्णाक्षी स्वरगियारीआ। मेलाव थुंगे बिबुंथि होयो भवानिपुर दखरा फरायसालिमानि फिजिक्स बिफाननि लो गो प्रफेसार बिबेक बरुवा थापाआ। मख'नो गोनांदि, बे हाबाफारिजो लोब्बा लांखिनानै फरायसालिमानि फरायसापोरनि गेजेराव पस्टर लिरनाय आरो रंगली बादायलायनाय हाबाफारिबो खुंथाय जायो।

दरसे हादत मोनसे बिसायख 'थि कमिटिया एएपि आरो आरपिआइजो जुथायै सावरायदो

गोदान दिल्ली, 10 फेब्रुवारी : दरसे हादत मोनसे बिसायख 'थिनि थाखाय दनाय गोजौ थाखोनि कमिटिया रिपब्लिकन पार्टी अफ इन्डिया अठावले (आरपिआइ) आरो आम आदमी पार्टी (आप) नि सोद्रोमाफोरजो लो गोसे सावरायदो। कमिटिनि आफादगिरि रामनाथ कबिन आरो बेनि सोद्रोमाफोर ऊ एनके सिंह आरो सन्जय कठारीया हादतआव लो गोसे बिसायख 'थि खालामनाय आयदानि सायाव राजखान्थियारि दोलोफोरजो सावरायो। समाजयारि बिजिरनाय आरो मावख'यारि बिफाननि राइज्यो मन्थि आरो आरपिआइनि आफादगिरि रामदास अठावलेया कमिटिनि खाथियाव हादतआव लो गोसे बिसायख 'थि खालामनायनि सायाव गावनि पार्टीनि सान्नाय-



हनायखौ मिबथिहोदो। बेरफारसे आम आदमी पार्टीनि माहायारि सेक्रेटारि पंकज कुमार गुप्ता आरो पार्टीनि गागि दैदेनगिरि जेसमिन शाहजो लो गोसेबो सावरायदो। बिथाड कमिटिनि खाथियाव गावनि पार्टीनि सान्नाय-हनायखौ मिबथिहोदो। थानाय बु धबबारखालि कमिटिया राजखान्थियारि दोलोफोरजो लो गोसे परामर्च लानायनि गेजेरजो भारतयारि कमिउनिट पार्टीनि गाहाइ नेहाथारि डि राजजो लो गोसे सावरायो। डि राजजाय कमिटिनि खाथियाव बिबुंथि आरो लिरनायनि गेजेरजो फोरमायो।

(□ 1 बिलाइनिफ्राय)

कक्राझारआव 22 थि बिटिसि गोरोबथा सान...

एबा दिनेनि सानाव हाग्रामा महिलारी दैदेनाय मिरु सरकार, राइज्यो सरकार आरो बिएलटिनि गेजेराव जारिनिनारि बिटिसि रदाय खादोमोन। बेनि लोब्बायै दिने हाग्रामा महिलारी दैदेनाय बिपिएफ दोलोआ बिटिसिनि मोन 10 जिल्ला आफाद आरो मोन 80 ब्लक आफादआ बिटिसि नाडेनो सानसेनि हाबाफारिजो बिटिसि गोरोबथा सान फालियो। बे बायदिनो कक्राझारनि देबोरगामियाव थानाय मुख्लं पार्कआव बिपिएफआ 22 थि बिटिसि गोरोबथा सान फालियो। बे हाबाफारिब बिपिएफ दोलो आफादगिरि हाग्रामा महिलारीआ बाहागो लानानै आथिखालनि थानाय प्रमद बर' दैदेनाय बिटिसि खुंथाया बड'लेण्ड सोमावसारनायाव जिउ बाउसोमनाय मुख्लंफोरखो गोसोखांथियैआ बर' हारिनि थाखाय दुखुनांथाव बाश्ना होनानै फोरमायो। जाय मुख्लंफोरनि थैजो बिटिसि मोनो हादो आरो बिटिसिनि गोहोखोने आथिखालाव प्रमद बर' दैदेनाय बिटिसि खुंथाया बाहायबोदो बे बिथिडव बिसोरो 10 फेब्रुवारी जारिनिनारि सानखौ नासयनाया दुखुनांथाव बाश्ना होनानै बिथाड बुडो। प्रमद बर'आ गोदानै मा मावदो होना सांथि सानानै, राइजो-राजाफोर जाय खाबुफोरखो मोनो हादो बेखो बिथानि सानावनो मावलादोमोन होनानै महिलारीआ बुडो। लो गोसे लक सभा बिसायख 'थिनि थाखाय बिपिएफ दोलोया थियारि जाबाय होना मख'नानै बिथाड एआइडिआइएफ, कंग्रेस मोनसेबो दोलोजो लो गो जायालासेनो बिपिएफ दोलोया हारिसिडे बिसायख 'थि गेलेगोन होनानै बुडो। अदेबानि जायखि जाया मोनसे दोलोआ बिपिएफखो हेफाजाब होनो नागिरेब्ला बुनांगो जेबो गैया होना मख'नानै कक्राझार आरो दर-उदालगुरि लक सभा बियाबाव बिपिएफ दोलोया देखागोन होनानै हाग्रामा महिलारीआ दाबि खालामो। बिटिसि गोरोबथा सान फालिथायाव हाग्रामा महिलारीजो लो गोसे बिपिएफनि लेडइ आफादगिरि खाम्पा बरायारी आरो बिपिएफ दोलोनि गोबां दैदेनगिरि-मावथिफोरबो बाहागो लायो। मख'नो गोनांदि, बिटिसि गोरोबथा साननि हाबाफारि बायदिथै गिबियाव कक्राझार सहरनि बड'फा नोगोरव थानाय बिटिसि सेक्रेटारियेटनि मोखाडव थानाय बड'फा उपेन्द्रनाथ ब्रह्मनि मुसुखायाव बिबर जाउनानै सिबिनाय बाउवो बिपिएफनि आफादगिरि आरो बिटिसिनि बारा' गाहाइ खुंगिरि हाग्रामा महिलारीआ। बेनि उनाव देबोरगामियाव थानाय मुख्लं पार्कआव माहायारि फिफरफला बिरोहोनानै बड'लेण्ड सोमावसारनायाव जिउ बाउसोमनाय सा 2,624 मुख्लंफोरनो मान बाउवो।

हारिमुवारि जांखिथाइमायाव बान्था मोन्नो हानाय...

देहासाद जानो हानाय गुबुन गुबुन हारिमुवारि हान्जाफोरव बर'नि गोबां दोरोडारि हारिमुवारि हान्जाफोरबो देहासाद बिमुंखौ आवग्रिनो हादो। बर' हारिमुवारि हान्जाफोरनिफ्राय राइज्योनां थाखोनि बे हारिमुवारि दिन्थिफुनाय एबा आसाम सरकारनि बान्जायनाय हारिमुवारि बादायलायनाय हाबाफारियाव बर' हारिनिफ्राय माखासे हारिमुवारि हान्जाफोर देहासाद बिमुंखौ आवग्रिनो हादो। बे आसाम सरकारनि बान्जायनाय हारिमुवारि दिन्थिफुनाय एबा बादायलायनाय हाबाफारियाव देहासाद जानो हानाय बर' हारिनि दोरोडारि हारिमुवारि हान्जाफोरनि गेजेराव दड फारियै- कक्राझारनिफ्राय 12-18 बोसोरनि बादायलायनायाव जनालि बरायारिनि दैदेनाय हारिमुवारि हान्जाया नैथि थाखो आरो सनितपुरनिफ्राय रुबि दैमारिनि दैदेनाय हारिमुवारि हान्जाया थामथि थाखोनि बान्थाखौ आवग्रिनो हादो। बेनि अनगयैबो गवालपार जिल्लानिफ्राय 19-24 बोसोरनि हारिमुवारि बादायलायनायाव बिनेमा बसुमतारिनि दैदेनाय मोसाखावरि हान्जाया थामथि मासिआव बान्था आवग्रिनो हादो। बेजो लो गोसेनो उदालगुरि जिल्लानिफ्राय थियज रामसियारिनि दैदेनाय हारिमुवारि हान्जाया राइज्योनां थाखोनि हारिमुवारि बादायलायनाय हाबाफारियाव सेथि बान्थाखौ आवग्रिनो हादो। बिधान सभा बियाबनि जिल्ला आरो महकुमा थाखोनिफ्राय हारिमुवारि जांखिथाइमा बादायलायनायाव देहासादनाय राइज्योनां थाखोनि बादायलायनायाव देहासाद जाहेनो हानाय गासै हारिमुवारि हान्जाफोरनिफ्राय दुलाराय बर' हारिमु आफादआ साबायख'र जासिनयजो लो गोसे बिथामोननि इयुन गोजोखौ हास्थानानै गाहाम हामब्लायथि जासिहरदो। लो गोसे आसाम सरकारनि जागायनाय बे हारिमुवारि जांखिथाइमा हाबाफारियाव गाव-गावनि रंग'थिखो दिन्थिनयनि गेजेरजो देहासाद जानानै बर' हारिनि हारिमुनि मान दान्दाखौ लाखिनाय आरो बर' हारिनि हारिमुवारि मर्यादाखौ लाखिनयनि थाखाय दुलाराय बर' हारिमु आफादनि गाहाइ नेहाथारि बिजितगिरि बसुमतारिआ हारिमुवारि जांखिथाइमा हाबाफारियाव देहासाद जानो हानाय बर'नि मोनफ्रोमबो हारिमुवारि मोसाखावरि हान्जाफोरनिफ्राय साबायख'र जासिनयजो लो गोसे बिथामोननि इयुन गोजोनि थाखाय गाहाम हामब्लायथि बाउहरदो।

सान्थि हान्जायाव सिगां सायख'जानायनि ...

सान्थि हान्जायाव थिसन्थाय होनायनि थाखाय 'अग्निबोर' फरायसालिमानि फरायसापोरनि गेजेराव बे सांग्रांथियारि हाबाफारिखौ खुंथाय जायो। सिगांग्रो सायख'नाय सांग्रांथियारि मेलयाव भारतयारि सान्थि हान्जानि 15 नं. बेटेलियनि बिषमुरियाव थानाय सान्थि हान्जानि बिबानगिरि लेटेनेट कर्नल आर्टि कुकिया बाहागो लाफेनानै गोबां आयदानि सायाव गुवारि बिबुंथि होयो। बेबायदिनो बिटिसि खुंथायनि अएसडि रन्जन बुरुवाया फरायसापोरखो थुलुंगाखो होनायनि थाखाय नांजाबफा बिबानगिरिफोरनिफ्राय लाबायख'र होयो। मेलयाव बाहागो लानानै बिटिसिनि नोगोर जौगाखां बिफाननि मावफुं सोद्रोमा उडल्सन हासदाया बिटिसि ओन्सोलनि खामानि गैथै सेंग्रा-सिख्ताफोरखो गुबुन गुबुन आयदायाव रंगोथि जौगाखां होनाय, खामानियाव थिसन्नाय, सोलोथाय आरो गुण गोनां सोलोथाय होनायनि सायाव सरकारआ सम-सम आजाव बोनाय थांखिनि सोमोन्दे सोलोसापोरनिफ्राय थांखि बिबुंथि लाखियो। फरायसालिमानि माखासे फरायसापोरखो बाहागो लाफेनानै दिनेनि बे सांग्रांथि आरो सिगांग्रो सोलोथाय लानाय हाबाफारियाव बावैसो फोसावजानाय आसाम लकसेवा आयगनि रंखांथि सिबिथाय दालाइन आन्जादयाव उथ्रिसारनो हानाय गसाइगावनि थागिरि सुदिप शाहखौबो बराय मान बाउनाय जादो।

तामुलपुरआव 6 साननि जिल्ला थाखोनि न'न..

फोरोंथाय हाबाफारियाव तामुलपुर जिल्लानि सिडव थानाय गासै गं 63 गोजो गेजेरारि फरायसालिनि गाहाइ फोरोंगिरिफोर बाहागो लायो। बे फोरोंथाय हाबाफारियाव फरायसालिनि गाहाइ फोरोंगिरि महै सोलोथाइ फसंथाननि सोलोथाइयारि बिथायाव फोरोंथाय होनाय जायो। बे 6 साननि फोरोंथाय हाबाफारियाव फुंखा सुबुं महै कामेस्वर दैमारी, कन्दर्प दास, पखरेल आकाश आरो दिपक कुमार तालुकदारआ बाहागो लायो। फोरोंथाय हाबाफारियाव सामब्लायगिरि महै बाहागो लायो सिआरसिसि देबेस्वर राभा आरो हिरिम्बासा ब्रह्मआ।

(□ 1 बिलाइनिफ्राय)

फैगौ 16 निफ्राय 18 फेब्रुवारीसिम मानास माहारियारि हाग्रामायाव बड'लेण्ड ...

नायदिगिरि बांलाआव बिटिसिनि दावबायथाय बिफाननि मावफुं सोद्रोमा धर्मनारायन दास आरो हाग्रा बिफाननि मावफुं सोद्रोमा रन्जित बसुमतारिआ बे बाश्नाखो मिथिहोयो। बिटिसिनि दावबायथा ओन्दोरखौ बा बायदिथै दावगालांहोने हायो आरो जिब-जुनातखौ मा बायदिथै रैखाथि होने हागोन, मिथिंगा रैखाथिनि सांग्रांथि बायदि आयदाफोरखो बड'लेण्ड हारिमायारि जिब-जुनात जथुम्मायाव सावरायनाय जागोन। बे हाबाफारियाव मुलुगनि गुबुन गुबुन हादतनि दावबायथाय आरो जिब-जुनात आयदानि सायाव रंग'सार रिसाचरि आरो रंग'थि गोनां सुबुंफोर बाहागो लागोन। मावफुं सोद्रोमा धर्मनारायन दास आरो रन्जित बसुमतारिआ मानास माहारियारि हाग्रामायाव खुंनो गोनां बड'लेण्ड हारिमायारि जिब-जुनात जथुम्मानि थाखाय थानाय बृहस्पतिबारखालि मानास माहारियारि हाग्रामानि बासबारि रेन्जआव मानासनि हाग्रा बिफाननि बिबानगिरिफोरजो लो गोसे इडपिपिएल दोलोनि माखासे दैदेनगिरि-मावथिफोर नायगिदिहैयो।

एपिजिसिएलनि सामलायगिरि देबजित महन्तनि बाहागो...

सामलायनायाव खुंथाय बे हाबाफारियाव ओन्सोलनि केंकियाबिटि, केरनि, अभयापुर, पातकिजुलि, सशिपुर, एनके दरडजो लो गोसे माखासे गामियाव हाबफेनानै सरकारनि सुबुं अन्सायारि बिथांखिफोरखौ राइजो-राजाफोरनि गेजेराव फोसावयो मावफुंजानाय आरो मावफुं जायै बेफोरखो नायबिजिरनानै राइजो-राजाफोरनि गुबुन गुबुन आंखाल-अजद आरो जेनाफोरखौ मिबथिना लानायजो लो गोसे बुड कमिटिनि जथुम, दोलोनि आफादयारि नोजोरजो मावफुंनाय, लाइमोन सोमोन्दो लानाय, आइजो समाजजो सोमोन्दो लानाय, सुबुंफोरजो सोमोन्दो लानाय, समाजयारि थाखो आरो मुलाम्फायारिफोरजो बाश्ना सावरायलायनाय, जनजाति, एससि, गुबुन गुबुन गोरलैसोनाय थाखोनि सोद्रोमा एबा मुलाम्फायारिफोरजो बाश्ना सावरायलायनाय, गोहोम गोनां (समाजयारि-धोरेमारि) भटारफोरजो जथुम खुंथाय, धोरेमारि जायगा दावबायनाय, गामिनि बुड फोनांजाबनायनि बिबान आरो माव बिबान सोमोन्दे मेल खुंथाय जायो। दिनेनि हाबाफारियाव एपिजिसिएलनि उदां सामलायगिरि देबजित महन्तजो लो गोसे दरडजुलि गौथुमयारि बियाबनि एमसिएलए बिजित गोर नाजरी, बिटिसिनि बारा' एमसिएलए बासुदेब उपाध्याय, तामुलपुर जिल्ला बिजेपिनि रंगिरि रंजा खुंगुर बसुमतारि, दरडजुलि मन्डल बिजेपिनि आफादगिरि सत्यजित पाठक, गाहाइ नेहाथारि सुकुरन्जन मन्डल, बिसाल बसनेतजो लो गोसे माखासे दोलोनि दैदेनगिरि-मदतगिरिफोर बाहागो लाफैयो।

कक्राझारआव सिनायनो मोनै सासे सुबुंनि गोथै सह ...

बोसोर बैसोनि 5 फुट 3 इन्सि जौथायनि नरेन्द्र चिप्रां मुनि सासे सुबुंआ कक्राझारनि हान्था-मेला बिफाननि दरखं मोखाडव लोरबां देहायै थाबाय थानायखौ नुनानै कक्राझारनि आर एन बि देहा फाहामसालियाव फाहामथायनि थाखाय थिसनफेनाय जादोमोन। नाथाय दुखुनांथाव बाश्नादि, कक्राझार आर एन बि सिभिल देहा फाहामसालियाव फाहामथाय होबाय थानाय समावनो नरेन्द्र चिप्रांआ जोबथा हां बोयो। जोबथा हां बोनाय समसिमाव रंसारि नरेन्द्र चिप्रांआ गावनि मुनि अनगायै गावनि थं आरो नख'रनि सोद्रोमाफोरनि मुं एबा थफोरखो फोरमायथिनो हायाखै। रंसारि जानाय समसिमाव बिथानि नख'रनि रावबो सुबुंफोर रंसारि नरेन्द्र चिप्रांखो लांनो नुजाफैयाखै। जायनि थाखाय बिथानि गोथै सडआ कक्राझार पुलिस थानायाव 72 घन्टा समनाडै दोनो गोनां जादो।

बेनिखायनो कक्राझार पुलिस थानानिफ्राय रंसारि नरेन्द्र चिप्रांखौ मिबथियोब्ला एबा बिथानि नख'रनि सोरुमाफोर सोद्रोमाफोर मिबथियोब्ला कक्राझार पुलिस थानायाव खोरं लानानै बिथानि गोथै सहखौ लांफेनो थाखाय कक्राझार पुलिस थानानिफ्राय राइजो-राजाफोरनिफ्राय खालयाहरदो।

(□ 1 बिलाइनिफ्राय)

तामुलपुर जिल्ला बिपिएफआ 22 थि बिटिसि ...

बसुमतारिनि आफादगिरि मासि सामलायनायाव खुंथाय गेवलां मेलयाव बारा' एमएलए इमानुयेल मुसाहारि, बारा' मावफुं सोद्रोमा गनेश कछरि, बनमालि बर'मोनहा आलासि महै बाहागो लाफैयो। मेलयाव बारा' मावफुं सोद्रोमा गनेश कछरिया बुंदोदि, 17 बोसोर हाग्रामाआ मा खालामाखै, गासैखोबो मावफुंदो प्रमद बर'आल' नुनो मोना होनानै गोखो रावजो प्रमद बर'खौ सोखारिनानै बिथाड फिन बुंदोदि, बिटिआर रदाय खालामदो होना बुंदोब्लाबो दिनेसिमबो बिटिसि लिस्नगो। बिपिएफनि हाग्रामा महिलारीनि सरकार थायोब्ला बिटिसियायो थागोन होनानै मख'जाथाव बिबुंथि होनानै बुंदोदि, 17 बोसोर हाग्रामाआ मा मावदो बेखौ राइजो-राजाफोर नुनो मोन्दो... बिटिआरआ मोनफा-मोनफा सानबोलावरि सोदोबसो होनानै प्रमद बर'खौ बोखारनानै बिटिसिखौ रेखा खालामनो बिथाड खालयाव। बिटिसिनि बारा' मावफुं सोद्रोमाया फिन बुडोदि, बिटिसि सेक्रेटारियेटजो लो गोसे दरखे जिल्लायाव दर 10 महकुमा दानानै जौगाखांनयनि थासासिखौ गोखै खालामनो हादोमोन हाग्रामा महिलारीआ आरो आथिखालाव हाग्रामाआ लुनाय बिथांखिफोरखौ बाहायनानै प्रमद बर'नि सरकारआ खुंथाय सामलायजागासिनो दड होनानै बिथाड बुडो। मेलयाव बिटिसि रदाय सानआव बिबुंथि होयो बारा' मावफुं सोद्रोमा बनमालि बर'आबो। बिथाड बुडो, बिपिएफ दोलोयासो गोजोन थासासिखौ लाबोनो हादोमोन। जोडो माब्लाबावो गोजोन गैथै सोजियाखै। बिटिसिआव आथिखालाव गोजोननि बाश्ना बुंबाय थानाय प्रमद बर' सरकारनि सानावसो गोजोन गैथै जानो थांगासिनो दड। मेलयाव बारा' एमएलए इमानुयेल मुसाहारियावो बिबुंथि लाखियो। दोलोनि मिरु लाइमोन दैदेनगिरि जितेन मुसाहारि, तामुलपुर जिल्लानि गाहाइ नेहाथारि चित्रेश्वर नाजरी, लाइमोन दालाइनि आफादगिरि मनज राभामोनजो लो गोसे आइजो दालाइ, बिपिएफ दोलोनि गुबुन गुबुन हारिनि बिदा-बिबानाव, आफादनि दैदेनगिरि आरो ब्लक आफादनि सोद्रोमाफोर बाहागो लाफैयो।

नाबार्ड आरो नाबपाउन्डेसननि हेफाजाबाव बाक्सानि गिबिसिन फालांगियारि बिथांखि

जनशक्ति बिकाश मन्चनि सुंथानायाव थानाय 8 फेब्रुवारीआव सुरभि जिबिका गावखुंथा हान्जानि आओफोरनि गेजेराव मोनसे मिजिंथिजाथाव बिथांखि माइ पेड माइ राइट मुनि सेनिटारि पेड दिहुन्थाय उद्यगखौ बेखेवनाय जायो। सेनिटारि पेड दिहुन्थाय उद्यगखौ बेखेवनाय होयो बाक्सा जिल्लानि जिल्ला बेंगिरि कृष्णा बरुवाआ। बेखेव हाबाफारियाव नाबार्डनि आसाम मन्डलन सामब्लायगिरि नबिन कुमार रय, बाक्सा जिल्लानि जिल्ला जौगाखां सामब्लायगिरि उतपल बेजबरुवा, बाक्सा जिल्लानि एग्रनि बेंकनि सामब्लायगिरि प्राञ्जल दासजो लो गोसे आसाम ग्रामिन बिकाश बेंकनि बिबानगिरि, जनशक्ति बिकाश मन्चनि लेडइ आफादगिरि प्राञ्जित विश्रवास, नेहाथारि हाइदर आलि, ओन्सोलनि गुबुन गुबुन गावसुंथा हान्जानि सोद्रोमा आरो ओन्सोलनि राइजो-राजाफोर बाहागो लायो। मख'नो गोनांदि, जाखिलिबिल फोथाराव गायसन्नाय सेनिटारि पेड दिहुन्थाय उद्यगआ बाक्सा जिल्लानि गिबिसिन दिहुन्थाय बिथांखि सेनिटारि पेड दिहुन्थाय उद्यगखौ बेखेवनायजो लोब्बा लाखिनानै खुंथाय मेलाव बाक्सा जिल्लानि जिल्ला बेंगिरि कृष्णा बरुवा, नाबार्डनि सामब्लायगिरि नबिन कुमार रय, बाक्सा जिल्लानि जिल्ला जौगाखां सामब्लायगिरि उतपल बेजबरुवाआ थिखानाय आयदानि सायाव बिबुंथि होयो। बेखेव हाबाफारियाव बाहागो लानाय गासैबो आइजोफोरनि गेजेराव उद्यगआव दिहुन्थाय सेनिटारि पेडखौ बेसेन लाया जासे रानानै होयो।

चिरांनि अमर सिं बसुमतारिनो 'लाइमोन ...

गसंथानो हानायजो लो गोसे गुबुन सुबुंफोरनोबो आबाद मावनायनि दाथायफोरनि सायाव फोरोंथाय होनानै मुंदांघा सोरजिनो होबोदो। अमर सिं बसुमतारिआ आथिखालाव जापानयाव 9 दान थानानै गुबुन गुबुन रोखोमनि आबाद आरो जैबिक हासारनि सायाव सोलोथाय लादो होना फोरमायदो। अमर सिंनि दिहुन्थाय मुवा-बेसादफोर आथिखालाव गुबुन राइज्योजो लो गोसे गुबुन हादतयावबो हाथाय दख'ल खालामनो हादो। बे मानखौ मोनानै बांसिनथारै थुलुंगाखो मोन्दो होनानै बिथाड फोरमायो। हाबाफारियाव बाहागो लाफेनाय चिरां जिल्ला लेडइ कमिसनारि रिकां मुसाहारिजो लो गोसे जिल्ला आबाद बिबानगिरियावो अमर सिंनि जैबिक दाथायनि गेजेरजो आबाद मावनानै जाफुंसारनायनि सायाव बिबुंथि लाखियो। हाबाफारियाव अमर सिं बसुमतारिखो उनसंनानै आबाद मावनाय आबादयारिफोरखौबो बराय मान बाउदो ससाइटिनि जानानै रंसारि नाथनि नख'रनिफ्राय। मख'नो गोनांदि, 56 बोसोर बैसोयाव अबथिरयै रंसारि जानाय तेजपुरनि थागिरि टाइकवान्डनि ब्लेकबेल्ट मोन्नाय पबन कुमार नाथनि गोसोखांथियाव सृष्टि इन्टरनेसनल ससाइटिनि बान्जायनायाव थानाय बोसोरफोरनि बादिनो बे खेवनायबो समाजनि मुलाम्फानि थाखाय पबन कुमार नाथनि जोनोम सानखौ लोब्बा लाखिनानै आफां आसामनि जौगाखांनय लाइमोन आबादयारि अमर सिं बसुमतारिनो बे बान्थाखौ गावनि न'आवनो पबन कुमार नाथनि नख'रनि जानानै देखोगिरि ऊ मौसुमि चहरियाजो लो गोसे बिदा आरो बिबाजैया गथायफैयो। हाबाफारिखौ सामलायदोमोन बिजिआर गोजोसिन गेजेरारि फरायसालिनि फोरोंगिरि बिस्वज्यति शइकियाआ। लाइमोन फालांगि बान्था आरो बसुधा मित्र बिमुं गथायनाय हाबाफारियाव पबन कुमार नाथनि खामानि मावनायखौ लानानै <https://pawankmath.co.in> वेबसाइटबो बेखेवनाय जायो।

साखोन-सिखोननि थाखाय बिटिसिसिम ...

आलासि न'ब्लाडव बिटिसिनि देहा बिफाननि मावफुं सोद्रोमा अरुप कुमार देआ मिरु सरकारनि देहा बिफाननिफ्राय हस्नाय साबसिन साखोन-सिखोननि मान बिलाइखौ गथायनानै होयो। बिथाड धलारलेडइ देहा मिरुनि देहा फाहामगिरि आतवार रहमानआ फाहामथाय मिरुखौ गावनि न' बायदिथै जोधोन लानायनि थाखाय दिने धलमारा लेडइ देहा मिरुआ साबसिन साखोन-सिखोननि मान बिलाइखौ मोनो हादो होनानै फोरमायो। गुबुन फार्सेथि, कक्राझारनि बड'लेण्ड आलासि न'ब्लाडव खुंथाय मोनसे हाबाफारियाव बिटिसिनि देहा बिफाननि मावफुं सोद्रोमा अरुप कुमार देआ साबसिन साखोन-सिखोननि मान बिलाइखौ गथायनायनि उनाव देहा फाहामगिरि आतवार रहमानआ बुडोदि, मावफुं सोद्रोमा अरुप कुमार देआ देहा फाहामसालिखौ साखोन-सिखोननि लाखिनाय आरो मोजो फाहामथाय सिबिथाय होनो थाखाय सुतु लाबाय थादोमोन। दिने सावसिन साखोन-सिखोननि मान बिलाइखौ मोनो हानानै बयबो रंजाखोदो होनानै बिथाड बुडो।

'बड़े मियां छोटे मियां' सावथुनआ फैसालियाव गुबै एक्शन लाबोगोन

अक्षय कुमार आरो टाइगर श्रफन सावथुन 'बड़े मियां छोटे मियां' आ रिलिजनि थाखाय थियारि। फावखुंगुरफोरा आथिखालाव सावथुननि फोसावनायाव नांथाबना दं। सावथुननि टीजारखौबो फोसावनाय जाबाय, जेराव रंजानाय, साहसगोनां आरो गोजौ-अक्टेन एक्शन नुनो मोननाय जादों। आथिखालाव बानायगिरिफोरा आरोबाव मोनसे गिदिर फोरमायथि होदों। बानायगिरिफोरा दाबि खालादोंदि, टीजाराव नुजानाय एक्शनखौबो एक्शन सावथुनाव नुनो मोनगोन। बेखौबो बुनाय जादोंदि, सावथुनाव दिन्थिनाय एक्शनआ आबुडे नंगुबे जानो थंगासिनो दं। बड़े मियां छोटे मियांखौ मुम्बाइ, लन्दन, आबु धाबी, स्कटलैन्ड आरो जर्दान बायदि बायजोआरि शर्वनिफोराव सेबखानाय जादों। टीजारआ सिगानिफ्रायनो



सावथुननि सोमोन्दै गोबां दिन्थियो नाथाय दासिमबो गोबां फेनांगौ दं मानोना सावथुननि टीजाराव गोखौं नुथायफोर, गोसो गुदुं मेथाइफोर, मोजां नुथायफोर दिन्थिनाय जाय। जायखि जाया बे टीजारनि उनाव अनसायगिरिफोरा जोबोद गोसो गुदुं जागासिनो दं। बानायगिरिफोरा एप्रिल दाननि इदआव रिलिज जानो गोनां बे सावथुननि बागै मोनसे गिदिर दाबि खालामदों। सावथुननि गासैबो एक्शन नुथायफोरखौ नंगुबे बुनाय जादों। बानायगिरिफोरा बुडेदि, अक्षय

आरो टाइगरखौ सावथुनाव गासैबो एक्शन खालामनाय नुनो मोन्दों। बेल' नड सावथुनाव ट्रेनफोरनि खारनाय, बमा बेरफुनाय गासैबो नंगुबे नुथायव नुगोन। फावखुंगुरफोरखौ अख्त्राडव बिरनाय उरानिफ्राय फासि नांनाय नुनो मोनगोन। बेनि अनगायैबो बानायगिरिफोरा बुंदोंदि, सावथुनाव भिएफएक्स बाहायनायखौ जोबोद बाडइ खालामनाय जादों। सावथुननि मोनफ्रोम फारिआ मोनसे नंगुबे मोन्दांथि होनो नाजादों। सावथुननि दिथागिरि आली आब्बासआ एक्शन मोजां

मोनग्राफोरनि थाखाय मोनसे ट्रीट थियारि खालामदों। अक्षय कुमारखौ जोबथा खेब 'मिशन रानीगन्ज' आव नुनो मोननाय जादोंमोन। सोलिफु बोसोराव अक्षय कुमारनि मोननाय गिदिर सावथुनफोरा रिलिज जादों। बेफोरनि गेजेराव सेल्फी आरो अ माइ गड 2 आबो दं। सेल्फीआ रिक्क्रनाव बारा मोजां दिन्थिफुनो हायाखैमोन नाथाय 'अएमजि 2'आ अनसायगिरिफोरनि अननाय मोनदोंमोन। 'मिशन रानीगन्ज' नि बाश्ना बुडेब्ला, बे सावथुनाव अक्षय कुमारनि खामानिखौबो सावर।यगिरिफोरा मोजां

मोनो। सावथुना बक्स अफिसआव मोजाडै जाफु'सारनो हायाखैमोन नाथाय सावथुननि सल'आ जोबोद बाख्नायजादोंमोन। थाबैनो अक्षय कु मारखौ 'वेलकम टु जंगर' आरो 'हेरा फेरी 3' जों लोगोसे आरोबाव गोबां सावथुनफोराव नुनो मोनगोन। टाइगर श्रफनि बाश्ना बुडेब्ला, बिथाड बे सावथुननि अनगा सिंघम 3 आव नुनो मोनगोन। थानाय बोसोरा फावखुंगुरनि थाखाय मोजां नडमोन मानोना बिथानि सावथुनफोरा फ्लप जादोंमोन।□

टिबिएमएडुजेआ गिबि सानाव गोबां कौटि रां आर्जिनो हादों



शाहिद कापुर आरो कृति सेनननि तेरी बातों में ऐसा उलझा जियाखौ सिनेमालफोराव रिलिज खालामबाय। बे रमान्टिक कमेडि सावथुना सुबुंफोरनिफ्राय सावरायनाय मोनदों। आथिखालाव तेरी बातों में ऐसा उलझा जियानि गिबि साननि बक्स अफिस बुधुमनायनि गोदानसिन अनजिमाया ओंखारदों। सावथुन तेरी बातों में ऐसा उलझा जियाआ बक्स अफिसआव गिबि सानाव मिजिं थिनाय बायदि मोजां बुधुमनाय खालामदों। शाहिद कापुर आरो कृति सेननजों फाव खालामजानाय सावथुनआ भेलेट्टाइन्ड सप्ताहआव रिलिज जादों, जायनि जाहोनाव सावथुना बक्स अफिसआव साबसिन दिन्थिफुनायनि मिजिं थिजादों। शाहिद कापुर आरो कृति सेनननि तेरी बातों में ऐसा उलझा जियाआ रिलिजनि सिगां एडभास बुकिनिफ्राय 2.11 कौटि रांल' आर्जिंदोंमोन। बेजों लोगोसे सावथुन तेरी बातों में ऐसा उलझा जियानि गिबि साननि फालांगि आर्जिनाया सोराडव फैदों। साक्निलकनि मोनसे रिपटनि बायदिब्ला, बे सावथुनआ शुक्रबराखलि भारतआव 6.5 कौटि रां आर्जिंदों। पर्टलनि बायदिब्ला, सावथुनआ शुक्रबराव गासै 14.92 जौखोन्दो हिन्दीआव नायगिरिफोर दंमोन। फुनि दिन्थिफुनायाव 8.8 जौखोन्दो नायगिरिफोर नुनो मोन्दों फारसेथि सानजौफुनि स्व'आव 11.79 जौखोन्दो नायगिरिफोर नुनो मोन्दोंमोन। मोनाबिलिनि स्व' आरो नाइट स्व'आव फारियै 13.62 जौखोन्दो आरो 25.46 जौखोन्दो नायगिरिफोर दंमोन। शाहिद आरो कृतिनि सावथुना गिबि सानाव आबुं मिजिंथिनायजों मोनसे मोजां बुधुमनाय खालामदों। बेखेवनाय सप्ताहनि जोबथायावबो, सावथुन तेरी बातों में ऐसा उलझा जियाखौ समायना दिन्थिफुनाय नुनो मोनो। दिहुनिगिरि दिनेश भिजाननि प्रडाक्शन हाउसआव बानायनाय आरो सावथुनाव शाहिद कापुर आरो कृति सेननआ गाहाइ फाव खालामदों। गिदिर फैसालियाव फावखुंगुरनि जोबथा सावथुन 'जर्सि' आ बक्स अफिसआव फ्लप फोरमान जादोंमोन। सावथुननि बाजेटखौ फ्राय 75 कौटि रां होनाय जादों।□

रजनीकान्तनि सावथुन 'लाल सलाम'आ 'इगल'नि गाहाइयाव थानादों



'इगल'आ कार्तिक गट्टामनेनीजों दिथाहोजानाय आरो पीपल मिडिया फेक्ट्रीनि बेनारनि सिडाव बानायजानाय। बे सावथुनाव काव्या थापर, अनुपमा परमेश्वरन, बिनय राय, नबदीप आरो मधुबो दं। इगलखौ खालि तेलुगु आरो हिन्दी रावफोराव रिलिज खालामनाय जादों। बिदि जासे आवबो 'इगल'नि बुधुमनाया लाल सलामनिखुड बांसिन सौहैबाय। लाल सलामनि बाश्ना बुडेब्ला बेयो रजनीकान्तनि फिसाजो एश्वर्या रजनीकान्तजों दिथाहोजानाय मोनसे स्पर्टस ड्रामा सावथुन। बे सावथुनाव भिष्णु, भिशाल आरो भिक्रान्तआ गाहाइ बिफावआव दं। रजनीकान्तआ मोनसे के मिअ'आव नुजाथिदोंमोन। रजनीकान्तनि स्टारार सावथुनखौ तामिल, तेलुगु, हिन्दी, मालायलम आरो कन्नड रावफोराव फोसावनाय जादों। बे सावथुनाव भिग्नेश, लिबिंग्स्टन, सेन्थिल, जीभिता, केएस रथिकुमार आरो थन्वी रमैयाबो दं।□

रथि तेजानि 'इगल' आरो रजनीकान्तनि 'लाल सलाम' आ 9 फेब्रुआरिआव रिलिज जादों। साउथनि मोनै सोमोनांथाव सावथुनफोरा थियेटरफोराव रिलिज जानाय लोगो लोगो नायगिरिफोरनि गेजेराव दोहौ सोमजिदों। 9 फेब्रुआरिआव, शाहिद कापुर कृति सेनननि 'तेरी बात में ऐसा एनजेलड जिया' आरो साउथनि मोनथाम सावथुनफोर 'लाल सलाम', 'उन्वेषाफिन कन्डेटम' आरो रथि तेजानि 'इगल' आ रिलिज जादों। नाथाय साउथनि सावथुन इगलआ गिबि सानाव बक्स अफिसआव गोबां खामायनो हादोंमोन। नाथाय रजनीकान्तआ 'लाल सलाम' निखुड बांसिन खामायनो हायो। सक्निलकनि रिपटनि बायदिब्ला,

रथि तेजानि 'इगल'आ गिबि सानाव 6.1 कौटि आर्जिनानै बक्स अफिसआव दुंहाव थासारि लाबोदों। फारसेथि रजनीकान्तनि लाल सलामआ गिबि सानाव 4.3 कौटि रां बुधुमदों। रथि तेजानि सावथुन इगलआ रजनीकान्तनि जर'खा केमिअ' सावथुन लाल सलामजों साया खोखैजानाय बायदि मोनो। मख'नो गोनांदि, मोनैबो सावथुनफोराव जोबोद मोजां एक्शन नुनो मोनगोन। इगल आरो लाल सलामनि सल'जों लोगोसे सुबुंफोरा स्टार कास्टखौबो जोबोद मोजां मोनो। रथि तेजानि सावथुन इगलआ 80 कौटि रांनि बाजेटजों बानायजानाय आरो बेयो सासे थिखानाय बुधारगिरि सहदेब बर्मानि सल। सावथुन

माहाम देहानि राहा

मोन 6 रोखोमनि किशमिसफोरनि माखासेफोरा देहानि थाखाय मोजां



रेजें आरो किशमिसनिखुड फिसासिन। बेयो ब्लाड सुगारखौ सामलायो। बुखानायखौ खम खालामो आरो डाइजेशनआवबो एडस खालामो।

5. ब्लेक करेन्ट किशमिस: ब्लेक करेन्टआ किशमिसनि रोखोमफोरनि गेजेराव मोनसे, जाय बांद्राय गोदै नड आरो मस्ला-मस्लि गोनां। बेयो रुजनायाव फिसा। बेफोर ब्लेक करेन्ट आंगुरनिफ्राय जायो, जाय बेगर गैयै आरो गोसोम गाबनि जायो। बेखौ जानानै जों माखासे मुलाम्फा मोनो, बेफोर जादों- बिखाखौ गाहामै लाखिनाय, एनीमियाखौ होबथायो आरो हजम खालामनायाव हेफाजाव होयो।

किशमिसफोरा गोबां रोखोमनि दड आरो बेसोरहा गोबां गुबुन-गुबुन गुनफोर थयो। मोनफ्रोमबो किशमिस जानायनि जाहोना गुबुन-गुबुन जायो। बिदिन्थि बायदियै जुदि नोंथाड आयरननि आंखालाव किशमिसखौ जानो हायो अब्ला नोंथाड उदैनि माखासे जेंनाफोरखौ जानगारहोनी हायो। बेनि अनगायैबो माखासे गुबुन-गुबुन भिटासिन आरो फाइबारनि थाखाय नोंथाड बेखौ गुबुन-गुबुन थासारिफोराव जानो हायो। बेनिखायनो फे जों मिथिना लानि किशमिसनि बबे मोनसेआ सावस्त्रिगोनां।

गाहायाव होनायफोरआ गुबुन गुबुन रोखोमनि किशमिसफोर, जायनि माखासेफोरा सावस्त्रिनि थाखाय मोजां-

1. गोसोम किशमिस: गोसोम किशमिसआ बयनिखुडबो सरासनस्त्रासिन रोखोमनि किशमिस, जायखौ सरासनस्त्रायै न'फोराव बाहायनाय जायो। बेफोरो आंगुरनिफ्राय थियारि खालाम जानाय। गोरान जाब्ला बेनि गाबा गोसोम जायो। बेखौ जानानै जों माखासे मुलाम्फा मोनो, बेफोर जादों- खानाय गनायखौ गैया खालामनाय, बिबुखौ साफा खालामो आरो बिगुरनि सावस्त्रिखौ साबसिन खालामो।

2. गोथां किशमिस: गोथां किशमिसफोरा फिसा नाथाय गोलाव जायो आरो



किशमिसआ हजम खालामनायाव हेफाजाव होयो। गोजा किशमिसआ जोनि थाखाय मुलाम्फा गोनां जायो- बेयो दाइबेटिसनि खैफोदखौ बाडइ खालामो, हाथाइनि थाखाय गाहाम आरो मेगननि नुथायखौ साबसिन खालामो।

4. सुल्ताना एबा गल्डेन किशमिस: सुल्ताना किशमिसनि मुंखौ तुर्की गोथां आंगुर मुखव दोन्नाय जादों, जाय थम्पसननि बेगर गैयै आंगुरनिफ्राय जुनियायै बानायनाय जायो। बेफोर गाबाव

मोजां। मानोना- कनरिस्टियेसनखौ फाहामनो हायो। बेगोंफोरखौ गोखौं खालामो आरो लिंरथाइखौ बारायहोयो। बेनिखायनो बेफोर गोबां रोखोमनि किशमिसनिफ्राय नोंथाड नोंथानि मोजां सावस्त्रिनि थाखाय किशमिसखौ सायख'नो हायो। बेनि अनगायैबो बेफोर खनिज, भिटासिन आरो फाइबारजो बुंफबनाय, जाय डाइजेशनखौ मदद खालामो, आयरनखौ बांहोयो, बेगोंफोरखौ गोखौं आरो गोय लाखियो।□

मन्थि अनुराग ठाकुरआ अटिटि आयदानि बेरेखायै सांग्राथि होदों

मिरु खारिथि आरो फोसावथाय मन्थि अनुराग ठाकुरआ बावैसो जानाय मोनसे हाबाफारिनि समाव रंजानाय मुलुगनि सोमोन्दै रायज्जालायनाय समाव बानायगिरिफोरखौ सांग्राथि खालामदों। आथिखालाव अटिटि प्लेटफर्मफोराव सावथुन आरो वेब सिरिज नायनायनि ट्रेन्डआ जोबोद गोजौ जाबाय। नायगिरिफोरा आथिखालाव न'आव हारसिडै सावथुनफोर नायनो मोजां मोनो। मख'नो गोनांदि, अटिटिआव गोबां रोखोमनि आयदाफोर नुनो मोनगासिनो दं, जेराव माखासे सुबुंफोरा मोजां मोनो आरो माखासे आयदानि सायाव दावराव-दावसि जायो। बेनि गेजेराव आथिखालाव अनुराग ठाकुरआ अटिटि प्लेटफर्मफोराव दिन्थिजानाय आयदानि सोमोन्दै रायज्जालायदों। अनुराग ठाकुरआ सांग्रां खालामदोंदि, अटिटि आयदाखौ सोखारिनायनि अनगा बेफोरखौ थार लामायाव लाबोनी नाजानांगौ आरो भारतारि सल', हारिमु आरो दोरोंफोरखौ मुलुगनि नायगिरिफोरसिम लानायनि बाश्ना बुंदों। अनुराग



ठाकुरआ अटिटिआव सेल्फ- रेगुलेसननि मुखव गात्रि आयदा दिन्थिनायनि सायाव गावनि गोखौं बिबुंथि होदों। संसदनि जथुम्मनि उनाव अटिटि प्लेटफर्मजों मोनसे मेलाव बिथाड बुंदोंमोनदि, सरकारनि थांखिया दारिमिनखौ जौगाहोनाय नाथाय गाव- सामलायनायनि मुखव गात्रि आखुखौ सहायनाय जानाय नड। मिरु खारिथि आरो फोसावथाय मन्थि अनुराग ठाकुरआ बुंदोंदि, अटिटिआ रंजानायनि थाखाय मोनसे गोदान थावनि जाबाय आरो बेनि ग्राहक बिथाया सानफ्रोमबो बानाया बेनि फोरमान। गाव-सामलायनायनि मुखव गात्रि आखुखौ सहायनाय जानाय नड। सोरगिदि सरकारनि

मेगनजों आरिमु बानायग्राफोरा आरिमुनि फारसे गावसोरनि बिबानखौ हमदानो हानांगोन। उदास्त्रिनि मुखव गात्रि आखुखौ सहायनो हाया आरो गोबां समावनो धोरोमारिखौ दुखु होनायनि जाहोनाव गोबां जेंनाफोर सोमजिजो, जायनि उनाव गोबां रोखोमनि दावराव- दावसि जागायजेनो। रंजानाय आरो समाजनि गेजेराव मोनसे समानथि लाबोनायनि गोनांथिनि सायाव गोसो होनानै आइएन्डबि मन्थिया बुंदोंमोनदि, सरकारनि थांखिया फालांगिखौ जौगाहोनाय। रंजानाय दारिमिना बोसोरफ्रोमबो 28 जौखोन्दो जौगागासिनो दं आरो बेवहाय साखि आरो खोजोना दिहुनायनि गोबां खाबु दं।□

लापता लेडीज आरो पन्चायत सावथुननि थुटिरवौ दाबसे जायगाखौनो नुनो मोनो

किरण रावआ गावनि फैनो गोनां सावथुन लापता लेडीजनि थाखाय खौरांआव थादों। बे सावथुनजों किरणआ गोबाव समनि उनाव दिथागिरि महरै फे फिनगासिनो। बे सावथुनखौ आमिर खाननि दिहुनायाव बानायनाय जादों। बे सावथुननि सेबखानाया भपालनि सहरआव खालामनाय जादों। बावैसो हान्जाया भपालआव बैनि सुबुंफोरनि थाखाय सावथुननि मोनसे जर'खा प्रिमियार खुंदोंमोन। बे समाव हान्जाखौ बैयाव जायगायारि बेन्डआबो गोसो गोबोंजों बरायदोंमोन। बेबायदिनो दा भाइरेल फिभार (टिभिएफ)आव 'पन्चायत' मुनि आरोबाव मोनसे गोसो बोनो हाथाव सल' दं। बे दिन्थिफुनाया हादोर नाडेनो गुवार नायगिरिफोरजों नायजादों आरो मोजां मोनजादों मानोना बेयो



भारतनि मोनसे गामिनि सल'खौ फोरमायो। मख'जाथावदि, लापता लेडीज आरो पन्चायतआ मोनसे गामियावनो फसंजानाय बेनिखायनो मोनैबो सल'फोरखौ मध्य प्रदेशनि सीहोर जिल्लानि मोनसे गामि महदियाआव सेबखानाय जादों। टिभिएफनि 'पन्चायत' आरो

किरण रावनि सावथुन लापता लेडीजखौ मध्य प्रदेशनि सीहोर जिल्लानि महदिया गामियाव सेबखानाय जादों, जाय गामियारि मिथिंगाजों समायना मोनसे जायगा। बेजों लोगोसे टिभिएफआ थारैनो नायगिरिफोरजों बुजिजानाय आयदानि बेखेवथिखौ सोलायबाय। बिथाड

नायगिरिफोरखौ मोनसे सैथो सल'नि गेजेरजों लादोंमोन, जायखौ सुबुंफोरा गुवारै नाजावदोंमोन। भाइरेल फिभार (टिभिएफ)आ कन्टन्ट स्पेसआव मोनसे गोहोगोरा बिफाव लागासिनो दं, जाय सुबुंफोरनो जोबोद सोमोन्दो गोनां आयदा होनानै सुबुंफोरनि गोसोखौ सोलायहोदोंमोन।

शाहिद कापुरआ फैनो गोनां सावथुन 'देवा'नि बागै मोनसे गिदिर फोरमायथि होदों

पिएम ऋषि सुनकआ खावसे मिलियन पाउन्डनि बांसिन गावयारि टेक्सखौ सुख 'दों

लन्डन, 10 फेब्रुवारी : ब्रिटेननि गाहाइ मन्त्रि ऋषि सुनकआ थांनाय 2022-23 नि थाखाय गावयारि टेक्सखौ होदों। डाउननि स्ट्रीटनि बायदिव्ला सुनकआ खावसे बिलियन फाउननिखुइ बांसिन टेक्स होदों। बिथाड 508,308 पाउन्डनि टेक्सखौ सुख 'खांबाय। बे अन्जिमाया थांनाय रंखान्थि बोसोरनिखुइ 75 रोजा पाउन्ड बांसिन। फोरमानलाइनफ्राय रोखायै मिबथिनो हायोदि, सुनकआ 2021-22 आव 1.6 मिलियन पाउन्डनि मुलाम्फानिफ्राय 1.8 मिलियन पाउन्ड खामायदों। बेनि अनगायै सुद आरो मुलाम्फानिफ्राय बिथाड 293,407 पाउन्ड खामायो। लन्डनआव थांनाय हाइकर्टआव शुक्रबारखालि बेनि सोमोन्दैयै जानाय हि्यारिनि समाव मिबथिनो मोनाय जायोदि, फन हेकिं केसआव मिरर गुप निउजपेपार (एमजिएन) ब्रिटेननि प्रिन्स हेरिनि गासै आइनारि खरसाफोर आरो टेक्स होनायनि सायाव गनायथि जादों। 14 सानफोरनि गेजेराव



हेरिनो 4,00,000 पाउन्डनि इन्टारिम रंखान्थिखौ होनाय जागोन। बेनि सिगां डिसेम्बर दानाव बिनो टेक्स महरै 1,40,000 पाउन्ड होनाय जादोंमोन। हि्यारिनि समाव बिजिरगिरिया बुझेदि, थांनाय 1990 नि 10 बोसोरनि गेजेराव मिरर गुप निउज पेपारनि फारसेनिफ्राय फन हेकिंखौ नेम-खान्थि बायदियै बाहायदोंमोन आरो बे हाबाफारिया 10 बोसोरनिखुइ बांसिन समसिम सोलियो। बे समाव खौरां बिलाइफोरव बे खौरांफोरखौ बाहायो। प्रिन्स हेरिया गावनि बिसि मेघन आरो गथ'फोर आर्चि आरो लिलिबेटजों लोगोसे आधिखालाव आमेरिकायाव थायो। बिनि

उखिलआ बुंदों, खौरां बिलाइ फोसावगिरिया गनायना लायोदि, बियो टेक्स आरो हेरिनि आइनारि बेसेन महरै उफ्रा रंखान्थिखौ होगोन। हाइकर्टनो एमजिएनआव 1996 आरो 2011नि गेजेराव फन हेकिं खालामदोंमोन होन्ना फोरसायदों। बेराफारसे ब्रिटेनआव बे बोसोराव बिसायख 'थि जानांगो। बिसायख 'थिनि सिगां बांसिन सार्भेफोराव कन्जाभैटिभनि रुजुनायाव लेबार पार्टीनो सुबिधाखौ बांसिन होनायखौ नुनो मोनागासिनो दड। आधिखालाव पार्टीया गुलु-गुजु, मुवा-बेसादफोराव बेसेन बांनायनि अलखद बायदि जेंनाफोरनि दोहौजों भुगिनांगसिनो दड।

गोदान दिल्ली, 10 फेब्रुवारी: मिरुआ थांनाय 5 बोसोराव गुबुन गुबुन सिनि मिलफोरनो आबादयारिफोरनो खुसेरनि बेसेन होनांगो रंखौ होनो थाखाय गुबुन गुबुन बिथांखिफोरनि सिडव 15,948 कौटि रां बाहायदों। फालांगि आरो दारिमिन राइज्यो मन्त्रि अनुप्रिया पाटेलआ संसदखौ बुंदोंदि, सिनि (गोथां, रिफाइन्ड आरो गुफुर सिनि) दैथायहरनायखौ दानि थाखाय होबथाजानाय थाखोआव दोननाय जादों। 2022-23 माइथायाव सिनि दैथायहरनाया 63 लाख टनमोन। बबेखानि, सोलिफु रंखान्थियारि बोसोराव जेबो कन्साइनमेन्ट गुबुन हादरआव दैथायहरनाय जायाखै। पाटेल ला बुंदोंदि, एप्रिल-डिसेम्बर 2023 माइथायनि समाव अस्ट्रेलियानो भारतनि दैथायहरनाया 2022 माइथायनि बे समनि रुजुनायाव 13.78 जौखोन्दो बांदों, बबेखानि अस्ट्रेलियानिफ्राय लाबोनाया 16.93 जौखोन्दो दावखलायदों। गम दैथायहरनायनि सोंथियाव



मन्त्रिआ बुंदोंदि, एप्रिल-नवेम्बर 2023 माइथायनि समाव भारतआ इउएइ, नेपाल, इराकयाव गम दैथायहरदों। बे समाव गासै दैथायहरनाया 96,447 टनमोन। गम दैथायहरनायखौ सरासनस्त्रायै होबथानाय जायो आरो सरकारआ खालि सरकारि बिथायावल' दैथायहरनो गनायथि होयो। सरकारआ सोलिफु रंखान्थियारि बोसोराव जानुवारिसिम हासार अनसुंथाइ महरै 1.71 लाख कौटि रां होदों। रासायनारि आरो हासार मन्त्रि भगवन्त खुबाया लकसभायाव

बुंदोंदि, सरकारआ आबादारिफोरनो बाइइ बेसेनाव हासारनि थोजासे मोन्नायखौ रोखा खालामनो थाखाय बायदि रोखोमनि हासारफोराव अनसुंथाइ होयो। 45 कि:ग्रा: युरियानि थप्लानि बेसेना 242 रां (निम क'टि' आरो बाहायजाथाव खाजोनाफोरनि बेसेनखौ नागारनायें)। खुबाया बुंदोंदि, थांनाय 5 बोसोराव

हासारनि सायाव होनाय अनसुंथाइआ 2018-19 माइथायाव 73,435.21 कौटि रां, 2019-20 माइथायाव 83,466.51 कौटि रां, 2020-21 माइथायाव 131229.50 कौटि रां, 2021-22 माइथायाव 1,57,640.63 कौटि रां आरो 2022-23 माइथायाव 2,54,798.88 कौटि रां अनसुंथाइ होनाय जादों।

सरकारआ संसदनो बेखौबो फोरमायदोंमोनदि, आगस्ट 2021 मायथायसिम नख'रारि हाथायाव नेन' लिक्इड इडरियानि 7.33 कौटि बथलफोर (मोनफ्रोमबो 500 मिलिलितार) फान्नाय जादोंमोन। मिरु मन्त्रि अश्विनी चौबेआ शुक्रबारखालि राइज्यो सभायाव फोरमायदोंदि, सरकारआ थांनाय बा बोसोरनि गेजेराव हादरनि आबहावायारि आरो सांग्रांथि गोनां सेक्टरफोराव 80 जौखोन्दोनि बांसिन थांखिफोरखौ आबहावायारि गनायथि होदों। बिथाड बेखौबो फोरमायदोंदि, हायुआरि जिब-जुनार बर्ड (एस.सि.एन.बि.डब्लिउ.एल.) नि दिदोम आफादआ थांनाय बा बोसोराव गासै 689 थांखिफोरखौ सुबुरुन होदोंमोन।

हल्दानी हिंसायारि जाथायनि जाहोनाव बेयाव दिनैबो कार्फिउ जाबसिन्दों

गोदान दिल्ली, 10 फेब्रुवारी : उत्तरखान्डनि हल्दानीयाव जानाय हिंसायारि जाथायनि उनाव दिनैबो कार्फिउ सोलिगासिनो दड। हिंसायारि जाथायनि अर सुनानै होग्राफोरनि हेंथायै एनएसए जाबसिनो थियारि खालामदों। बनभुलपुर हिंसायारि जाथायाव दासिमाव साबा सुबुंफोरनि जिउ गोमाखांबाय आरो सा 100 निखुइ बांसिन पुलिस मावसुमाफोरा जौखोम जानानै बिसोरखौ देहा फाहामसालिफोरव फाहामथाइ होगासिनो दड। थांनाय शुक्रबारखालि हल्दानीयाव सौहेनाय उत्तरखान्डनि सिपम पुष्कर सिंह धामीया भुगिनांगफोरजों लोगो हमनानै बुडोदि, पुलिसफोरा दायनिगिरिफोरखौ सावगारि बोनायनि हाबाफारिखौ जागायबाय आरो सासे सासे दायनिगिरिफोरनि महरखौ



सिनायथिनानै बिसोरनि हेंथायै नायबिजिरनाय जागोन। बेजों लोगोसे दिनैबो हल्दानीयाव स्कुल-कलेज आरो मार्केटफोरखौ गासैखौबो बन्द'थै लाखिनाय जागोन। दावराव-दावसिनि केसआव पुलिसआ 5000 सुबुंफोरनि सायाव केस थिसन्दों। खौरांनि बायदिव्ला हिंसायारि जाथायजों गोहोम गोग्लैनाय बलभुलपुरयाव दिनैबो रवखौबो थांनो गनायथि

होयाखै। नोगोर निगम आरो पुलिस बिबानआ हमदांना लानाय बायदिव्ला, बे हिंसायारि जाथायाव गासै 6 कौटि रॉनि सम्पतिफोरा सेव हांगार जालांबाय। आधिखालाव बनभुलपुरयाव सोमजिनाय हिंसायारि जाथायनि उनाव थासारिया लासै लासै साबसांबोगासिनो दड। बेयाव जेबो रोखोमनि गोदान हिंसायारि जाथाय जानायनि खौरां मोन्नाय

हमगोन। अदेबानि हाइकर्टनि बिथोन होनाय उनाव थांनाय बृहस्पतिबारखालि आइन बेरेखा मादारसाफोरखौ सिमफायनो सौहेनाय खुंथाइनि हान्जानि सायाव अन्थाइ खुबैनायनि उनाव हल्दानीनि बनभुलपुर हिंसायारि जाथाय सोमजिदोंमोन। बेयावनि गोबां सुबुंफोर माखासे गारिफोर आरो थानाफोरखौ अर लागायना होयो। बेनि उनाव सहराव खाफिउ फोसावो आरो बिग्रायारिफोरखौ नोजोर होनानै गुलि गावनो बिथोन फोसावयो। आधिखालाव बे ओन्सोलाव पुलिस हान्जाखौ गोखों खालामना होनाय जाबाय। लोगोसे बिग्रायारिफोरनि सायाव एनएसए लागायनोबो थियारि खालामखांबाय।

वाशिंठन, 10 फेब्रुवारी : फ्लरिडा राजा-लामायाव थांनाय शुक्रबारखालि गंसे प्राइभेट दावबायारि जेटआ जाब्रबथाइ जायो। खौरांनि बायदिव्ला, साबा सुबुंफोरखौ लानानै गंसे गावयारि जेटआ थांनाय शुक्रबारखालि मोनसे मुखुब फ्लरिडा राजा-लामायाव जाब्रबथाइ जायो। बे उरां जाहाजआ हा सायाव गंने गारिफोरजों सौग्रावो, जेयव सानै सुबुंफोरनि जिउ गोमायो। नेशनेल ट्रान्सपोर्टेशन सेप्टी बर्ड (एनटिएसबि) आ मोनसे बिबुंथियाव बुझेदि, बम्बाडियर चेलेन्जर 600 बिजनेस जेटआ अहियनिफ्राय बिरदोंमोन। बे उरां जाहाजआ जेब्ला नेपल्स उरां जाहाज गाथोननि खाथियाव मोनहैदोंमोन अब्ला पायलटआ रेडियआव उरां जाहाजनि मोननै टर्बफेन इन्जिनआ फेल जाबाय होन्ना फोरमायदोंमोन। जाथाय जानाय जायगानि भिडिअ आरो सावगारिफोरनिफ्राय मिबथिनो मोन्नाय जायोदि, खोला-सोनाब फ्लरिडानि लैथोमायारि बोरियाव नेपल्सनि खाथियाव इन्टारिस्टेट 75 आव जाब्रबथाइ जानायनि उनाव उरां जाहाजआव अर नांदोंमोन आरो उरां जाहाजआ

मुकेश आम्बानिआ पान पसन्द आरो कफि ब्रेक टफि फानसिगोन

गोदान दिल्ली, 10 फेब्रुवारी: हादरनि बयनिखुइबो देरसिन सुबुं मुकेश आम्बानिनि कम्पनी पान पसन्द आरो कफि ब्रेकआ टफिबो फानगोन। आम्बानिआ गावनि फालांगिखौ फुवारनानै आरोबाव गंसे कम्पनीनि रादायखौ क्रेक खालामनो हाबाय। गोदान रादायनि गेजेरजों रिलाइन्स रिटेलनि एफएमसिजि कम्पनीआ रिलाइन्स कन्जुमार प्रडाक्टस (आरसिपिएल) आ राभलगाँव सुगार पार्मनि कन्फेक्सनारि पिजनेसखौ आवग्रिना लायो। बेनि उनाव रादाय बायदिया बे फार्मनि ट्रेडमार्क, रेसपिरेज आरो इन्टेलेक्सुयेल प्रपार्टिनि मोन्थाइया रिलाइन्सनि आखायाव फेयो। रादायनि बागै राभलगाँवनि फार्सनिफ्राय एक्सन्स फाइलिआव मिथिहोनाय जादों। बे रादाया गासै 27 कौटि रांआव महर मोन्दों। बेनि सिगां थांनाय



बोसोराव रिलाइन्सआ एफएमसिजि फालांगिखौ बांहोनो थाखाय केम्पा कला ब्रान्डखौ बायदोंमोन। उनाव बेनि सपटडिंक्रौ बाजारव मोनथाम गुबुन गुबुन फलेबारआव लन्व खालामदोंमोन। आरसिपिएलआ टेक अभा र आरो पार्टनारसिपनि गेजेरजों बाजारव लान्थियै गावखौ गोखों खालामगासिनो थादों। राभलगाँवनि गोदान रादायनि गेजेरजों रिलाइन्स कन्जुमारनि एफएमसिजि

पर्टफलियआव बांसिन जागोन। बेयाव केम्पा, टफिमेन आरो रस्किक बायदि ब्रान्डआबो दंफायो, जायजों बाहायगिरिफोरा बांसिन प्रडाक एबा मुवाखौ मोन्नो हागोन। मख'नो गोनांदि, 82 बोसोर गोजाम राभलगाँव ब्रान्डआ पान पसन्द आरो कफि ब्रेड बायदि मोन 9 कन्फेक्सनारि लेभेल दड। अदेबानि रिलाइन्स कन्जुमारनि फारसेनिफ्राय गोदान रादायनि बागै जेबो खौरां होनाय जायाखै।

फ्लरिडा राजा-लामायाव गावयारि जेट बागलायनायाव सानै सुबुंफोरनि जिउ गोमादों



लामानि सेराव मोनसे रिटेंनि थाबथाहैदोंमोन। फ्लरिडा हाइवे वालनि खाथियाव पेट्रॉल दोलोआ बुंनाय

बायदिव्ला उरां जाहाजआ राजा-लामायाव गंसे कार आरो गंसे पिकआप ट्राकखौबो सौग्रावदों। एनटिएसबि आरो पेडरेल एबिएशन एडमिनिस्ट्रेशन मोननैनिबो बायदिव्ला जेटआव साबा सुबुंफोर गाखोदोंमोन। बे उरां जाहाजआव गाखोनाय साथाम सुबुंफोर रैखा मोनो आरो गुबुन सानैया जिउ गोमायो। आधिखालाव गोहोम गोग्लैनाय कार आरो ट्राकआव

गाखोनाय सुबुंफोरनि अन्जिमाखौ फोरमायनाय जायाखै। एनटिएसबिया बुंभावदोंदि, उरां जाहाजआ कलम्बासनि अहिय स्टेट इडनिभासिडि उरां जाहाज गाथोननिफ्राय बिरनयाखौ जागायो। एनटिएसबि जाब्रबथाइ नायबिजिरग्रा हान्जानि सोद्रोमाफोरा माखासे घन्टानि गेजेराव जाथाय जानाय जायगायाव सौहैयो।

शेयारआ 6.15 जौखोन्दो बांना 1,175 रांआव सौहैयो। बेजों कम्पनीनि मार्केट केपआ 7.43 लाख कौटि रंखौ बारलाडो। बेनि सिगां बृहस्पतिबारखालिनि सेसनआव शेयारआ 1,106.25 रांआव जोबथादोंमोन। एड्सडिएफसि बेंकनि उनाव एलआइसिआ 4थि बयनिखुइबो बांसिन मार्केट केप गोनां कम्पनी जाना दड। एलआइसिनि शेयारआ मार्च, 2023 नि 52 सप्ताहफोरनि लवार लेभेल 530.20 रॉनिफ्राय 120 जौखोन्दोनिफ्रायबो बांसिन जाबाय।

2025 किया कार्निभल हाइब्रिडखौ मुलुगनां थाखोआव लन्व खालामबाय

गोदान दिल्ली, 10 फेब्रुवारी: मुंदांघा गारि बानायग्रा कम्पनी कियाआ थांनाय बोसोराव बाजारव गोदान सिरिजनि कार्निभलखौ लन्व खालामदोंमोन आरो आधिखालाव ब्रान्डआ कार्निभलनि थाखाय मोनसे गोदान हाइब्रिड पावारट्रेन लन्व खालामदों। कम्पनीआ बेखौ कार्निभल एड्सडिभि मुं दोन्दों। बेजों 4-4 ट्रिम थाखोफोरनि एलएक्सएस, इएक्स, एसएक्स, एसएक्स प्रेस्टिजआव मोन्नो हागोन। मख'जाथावदि, 2025 किया कार्निभल हाइब्रिडखौ सोलिफु बोसोरनि जोबथासिमाव बाजारव मोन्नो हागौ। बे गारिखौ सिगांनि रुजुनायाव बांसिन बेसेनाव फान्नाय जागोन होन्ना आसा खालामनाय जादों। अदेबानि भारतीय बाजारव कार्निभल एड्सडिभिनि लन्वखौ लानानै जेबो खौरां होनाय जायाखै। बे गोदान हाइब्रिड गारियाव 1.6



लितार टाबं हाइब्रिड इन्जिन थागोन, जाय मोनसे इलेक्ट्रिक मटरजों सरजाबजानाय जागोन आरो बे इन्जिनआ 242 बिइसपिनि पावार आरो 367 एनएमनि टर्क सोमजिखांहोनो हानाय जागोन। बेखौ अन डिउडि गियार बक्स 6-स्पीड अटमेंटिक इउनिटजों सरजाबनाय जागोन। फारसेथिं बेनि केबिनखौबो डिजाइन खालामफिन्नाय जादों। क्लाइमेट कन्ट्रोलआ दानि गोदान मडेलआव सेन्ट्रल कन्सलनिफ्राय आलादा

जाबाय। हाइब्रिडआव दाबो 12.3 इन्स डिजिटेल गेस क्लास्टार आरो 12.3 इन्स इन्फटेनमेन्ट स्क्रिन दड। अदेबानि 8.0 इन्स टास स्क्रिनखौ 12.0 इन्स स्क्रिनआव सोलायनाय जाबाय। बेयाव मोनसे गुवार फुल-कालार हेड-अप डिस्प्लेबो दड; जाय नेभिगेशन आरो मोन्नो हानाय डिजिटेल रियार भिउ मिरर दिन्थियो। हाइब्रिड पावार ट्रेनआव माखासे मख'जाथाव पिचार्स मोन्नो हायो। बेयाव 17 इन्सनि साखा होनाय जादों।

एलआइसिआ गोदान रेकर्ड सोरजिगासिनो थादों

गोदान दिल्ली, 10 फेब्रुवारी: लाइफ इन्सुरेन्स कर्पोरेशन अफ इन्डिया (एलआइसि) नि शेयारआ थांनाय माखासे साननिफ्रायनो गोदान रेकर्ड सोरजिगासिनो। शुक्रबारखालि बिजनेस सेसननि समाव बेनि शेयारआव 6 जौखोन्दोनिबो बांसिन दावखोनायखौ नुनो मोन्दों। कम्पनीनि फारसेनिफ्राय 31 डिसेम्बर 2023 आव जोबनाय 3 दाननि फिथायखौ फोसावनायनि उनाव बेनि शेयारआ दावखोनायखौ नुनो मोन्दों। सोलिफु रंखान्थि बोसोरनि 3थि 3 दानआव एलआइसिनि बोसोरनि बिथा



खालामनाय जौखोन्दोआ 49 जौखोन्दो बांसिन थिसनजादों। कम्पनीआ 3थि 3 दानआव 9,444 कौटि रां मुलाम्फाखौ थिसनो। बोसोरसे सिगां बे एखे

समाव कम्पनीनि मुलाम्फाया 6.334 कौटि रॉमोन। सिगांनि 3 दाननि फिथायखौ फोसावनायनि उनाव शुक्रबारखालि एलआइसिनि

समाव कम्पनीनि मुलाम्फाया 6.334 कौटि रॉमोन। सिगांनि 3 दाननि फिथायखौ फोसावनायनि उनाव शुक्रबारखालि एलआइसिनि

अलिम्पिक क्वालिफायर-एसियान सेम्पियनसिपनि थाखाय आन्जाद नायनायनि अक्टखौ फोसावबाय

गोदान दिल्ली, 10 फेब्रुवारी: जानो गोनां अलिम्पिक क्वालिफायर आरो एसियान सेम्पियनसिपनि थाखाय भारतीय रेसलिं हान्जाखौ सायख'नो थाखाय सेलेक्सन ट्राइलफोर फारिये पातियाला आरो सनिपथआव फैगौ 10 आरो 11 मार्चआव खुंफुंजागोन। बेनि सोमोन्दै एडहक कमिटिआ रोखा खालामबाय। बेनि सिगां जेराव बे ट्राइलखौ फैगौ 27-29 फेब्रुवारीनि जेजेराव खुंफुंनो थांखि लादोमोन। अब्बाबो एंगारसो हाथै जाहोननि थाखाय सिनियर ने सनेल सेम्पियनसिपनखौ खुनायाव गोबाव जानायनि उनाव फावसायनाय जादोमोन। आइजो रेसलारफोरनि थाखाय ट्राइलआ ए न ए स ए न अ 1 इ ए स पातियालाआव जागोन। फार्सेथिं ग्रिक रमन आरो फ्री स्टाइल



रेसलारफोरनि थाखाय ट्राइलफोर स्पर्टस अथ रिटि अफ इन्डिया सनिपथआव खुंफुंजागोन। धुपेन्द्र सिंह बाजवानि दैदेनायाव एडहक कमिटिआ बिबुंथिनि जेजेरजो जानो गोनां अलिम्पिक क्वालिफायर आरो एसियान सेम्पियनसिपनि थाखाय कमिटिनफ्राय फैगौ 10 आरो 11 मार्च अक्टखालि खुंफुंनो थांखि लानायखौ रोखा खालामबाय। अलिम्पिकनि लिस्थाय केटेगिआव ट्राइलनि

देरहागिरिफोरा जानो गोनां अलिम्पिक क्वालिफायरफोरगव भारतनि जानानै गेलेनो खाबु मोनगोन। 19-21 एप्रिलनि जेजेराव एसियान अलिम्पिक क्वालिफायर आरो 9-12 मेनि जेजेराव वर्ल्ड अलिम्पिक क्वालिफायरआव बिसोरनि थाखाय जायगा मोनो थाखाय बे ट्राइलआ बिसोरनि जर'खा जागोन। 53 कि:ग्रा: केटेगिनि पंचालखौ सिनियर एसियान सेम्पियनसिपनआव गेलेनो

थाखाय थोंजोडै जायगा होनाय जादो। भारतआ दायो बे लिस्थायारि के टेगिआव आइजोफोरनि थाखाय अलिम्पिक कटा मोनो हाबाय। भारतीय रेसलारफोरा आथिखालाव मोन 17 कटा मोनानै दड। जायनि फारिआव मोन 5 आ आइजोफोरनि, मोन 6 आ ग्रिक रमनआव आरो गुबुन मोन 6 आ फ्री स्टाइलआव दड। थांनाय बोसोरनि 21 डिसेम्बरखालि सन्जय सिंहनि गोदानै सायख'जानाय आफादआ गोहोआव फैनायनि सानथाम उनाव गेलेमु मन्थि बिफानआ भारतीय रेसलिं फेडरेसनखौ बेन खालामबाय आरो रेसलिंनि हाबाफारिखौ नायदिनो थाखाय आइएनि मोनसे एडहक कमिटि दाफिनानै होदोमोन।

भारतीय क्रिकेट हान्जानि खेबथाम टेस्टनि फारिआव बिराटआ जानगारआव

गोदान दिल्ली, 10 फेब्रुवारी: भारत आरो इंग्लेण्डनि जेजेराव आद्रा थानाय खेबथाम मेचनि थाखाय बिसिसिआइआ भारतीय क्रिकेट हान्जानि फारिलाइखौ फोसावबाय। बे सिरिजनि खेबनै मेचआ सिगाडवनो जानानै थाडे। जेराव मोननैबो हान्जाया 1-1 देरहानानै दड। केएल राहुल आरो रविन्द्र जाडेजाआ फोसावनाय गेलेगिरिफोरनि फारिआव जायगा मोनफिनबाय। नाथाय बिसोर सानै गेलेगिरिफोरखौ फिटनेसनि सायाव बिथा खालामनानैसो प्लेइं 11 आव खाबु होगोन। गुबुन फार्से बिराट कहलीआ दासिमावबो भारतीय हान्जानिफ्राय बाइजोआव दड। श्रेयस अय्यरआबो हान्जायाव सायख'जानो हायाखै। फोथायना लानाय बादिब्ला,



जोखोमनि जाडनाव बिथांखो बिसिसिआइआ जानगारनि थिरांथाखौ लादो। जायनि सायाव बिथाड मोनबो बाथा बुडाखै। बे खेबआव बिसिसिआइआ हान्जायाव सा 17 गेलेगिरिफोरखौ सोफादेरदो। जेराव आकाशदीपआबो टीमनि फारिआव जायगा मोन्दो। हास्थायगिरिफोरा फिन खेबसेबाव इंग्लेण्डनि बेरेखायै कहलीखौ मिस खालामगोन। बे सिरिजनि खेब 5 मेचनि खेबनैआ जोबनायनि उनाव गोबाडनो बिथांखौ हान्जायाव फैगोननि मिजिंथि लादोमोन।

बिसिसिआइनि बादिब्ला, गावयारि जाहोननि थाखाय कहलीआ आद्रा थानाय टीमनि फारिआव बाहागो जानो हानाय नडा। जायनि थाखाय बर्डनिफ्राय बिथांनि बे थांखिखौबो मान होदो। कहलीनि बाहागो जायैआ भारतीय हान्जानि मोनसे जेना जानो हागौ। बिसिसिआइआ सरफरासखौ हान्जायाव लाखिबाय थादो। नैथि टेस्ट मेचआव सिनियर गेलेगिरिफोरनि जोखोमनि उनाव बिथांखौ टीमआव सोफानाय जादोमोन। भारतआ बे सिरिजनि

आद्रा खेबथाम मेचआव 15 फेब्रुवारीखालि राजकटआव थामथि टेस्ट मेचखौ गेलेनायनि उनाव 23 फेब्रुवारीआव रान्सिआव ब्रैथि सिरिजखौ गेलेनायनि उनाव जोबथा टेस्ट मेचआ फैगौ दाननि 7 मार्चआव धर्मसालाआव जाहैगोन। भारतीय हान्जाया जाडनाव सिरिजनि थामथि मेचखौ देरहानानै आवगायनो नाजागोन। भारतीय टीमनि फोसावजानाय फारिलाइआव रहित शर्माआ केप्टेन आरो बिथांजो जशप्रीट भुमराहाआ लेडाइ केप्टेननि बिबानआव थाफागोन।

किलियन एम्बापेआ गोदान क्लाबजो सोमोन्दोआव फैनायनि लामायाव

पेरिस, 10 फेब्रुवारी: फ्रान्सनि स्टाट फुटबलार किलियन एम्बापेआ सोलिफु बोसोरवो गावनि क्लाबखौ सोलायनो हासिगौ। फ्रान्सनि मिडियाआव दाबि दैखानाय बादिब्ला, सोलिफु बोसोरनि गोलोम बोथोरनि उनावो बिथाड रियेल माद्रिदजो मुंसाइनो हासिगौ। फैगौ गोलोम बोथोरआव पिएसजिजो एम्बापेनि रादाइआ थुंगेगोन। जायनि जाडनाव 25 बोसोरनि एम्बापेखौ 2024-25 सिजनआव माद्रिदनि थाखाय गेलेनाय नुनो मोनो हागौ। रिपटनि बादिब्ला, बिथाडा लान्थ्रयै माद्रिदनि बिबानगिरिफोरजो सोमोन्दोआव



फैदो। रिपटआव फोरमायनाय बादिब्ला, अब्बाबो बिथांनि रादाइआ दासिमावबो माद्रिदजो आबु जायाखै। मख'नो गोनांदि, रिपटआव फोरमायबावनाय बादिब्ला, एम्बापेआ बेनि सिगां लिभापुरल क्लाबआव थांनायनि फार्से सान्दोमोन। नाथाय उननि समाव गावनि थांखिखौ

सोलायफिन्दो। बेनि उनाव बिथाड रियेल माद्रिदआव जइन्ट जाफिनगोननि थिरांथायव थादो। एम्बापेनि सोलिफु समाव गावनि क्लाब पिएसजिजो नागारसिगोननि सन्देहनि समावो माद्रिदजो बिथांनि जइन्ट जागोननि खौराडा ओंखारदो। बिथाड 2018 आव

पिएसजिनि थाखाय मनाक, नागारनायनि उनाव माद्रिदखौ गावनि न'बुंदोमोन। एम्बापेखौ पिएसजिआ 180 मिलियन इडर'आव गावसोरनि क्लाबजो लाफादोमोन। जायनि फारिआव बिथाड क्लाबनि थाखाय खेब 288 मेचफोरव 241 गल सोनो हादोमोन। एम्बापेआ थांनाय माखासे समनिफ्रायनो मुलुगनि मुंदांखा फरवाड गेलेगिरिफोरनि फारिआव जायगा मोनबोदो। 2018 आव फिफा वर्ल्ड कापआव फ्रान्सखौ सेम्पियन खालामनायनि उनाव बिथाडा 2022 वर्ल्ड कापआवबो टीमखौ पाइनालसिम लादोमोन। नाथाय फाइनालाव शूटआउटआव बिथांनि टीमआ जेनहेदोब्लाबो बांसिन गल स्करनि थाखाय एम्बापेआ गल्डेन बुथ देरहादोमोन। बै समाव एम्बापेनि मोखाडव दुखुनि सायाआ जोबनायसिम

अल इन्डिया इन्टर जनेल अमेन वेट लिफिट सेम्पियन- सिपआव छन्डिगड मुलुग सोलोसालिआ बिमुं देरहादो

गोदान दिल्ली, 10 फेब्रुवारी: छन्डिगड मुलुगसोलोसालि महालिआ धर्मसालानि इन्डर स्टेडियम अफ स्पर्टस कमप्लेक्सआव भारतीय मुलुग सोलोसालिफोरनि गौथुम आरो हिमाचल प्रदेशनि मिरुयारि मुलुगसोलोसालि धर्मसालानि सानथामनि अल इन्डिया जनेल आइजोफोरनि वेट लिफिट बादायलायनायाव अभाअल देरहागिरि महरै जाफुंसारनो हादो। गुबुन फार्से मेंगालर मुलुगसोलोसालि, कर्णाटक आरो शिबाजि मुलुगसोलोसालि, महाराष्ट्रआ



नैथि आरो थामथि मासि आवगिरो हादो। बे समाव शिबाजि मुलुगसोलोसालिनि आरतिआ बयनिखुइ साबसिन वेट लिफटर महरै सायख'जादो। बादायलायनायनि जोबथा

मुलुगसोलोसालि छन्डिगडनि दिक्षा शर्माआ रुफा आरो मेंगालर मुलुगसोलोसालिनि तानुसाआ ब्रन्ज मेडल देरहानो हादो। 76 कि:ग्रा: लिस्थायारि केटेगिआव पान्जाब मुलुगसोलोसालि छन्डिगडनि जिभन लत्ताआ सना, साबिन्नि बाइ पुले मुलुगसोलोसालिनि माने द्रौपदिआ रुफा आरो मेंगालर मुलुग सोलोसालिनि यासभानीआ ब्रन्ज मेडल देरहानो हादो। 81 कि:ग्रा: लिस्थायारि केटेगिआव पान्जाब मुलुगसोलोसालिनि हिनाआ सनानि मेडल देरहानो हादो।

श्रेयस अय्यरआ जोखोमनि जाडनाव भारतीय टेस्ट हान्जानि फारिलाइआव जायगा मोनाखै



गोदान दिल्ली, 10 फेब्रुवारी: इंग्लेण्डनि हेंथायै टेस्ट सिरिजनि आद्रा थानाय खेबथाम मेचनि थाखाय भारतीय हान्जानि फारिलाइखौ बिसिसिआइआ शनिबाखालि फोसावो। नाथाय बे फारिलाइआव श्रेयस अय्यरनि मुंखौ सोफानाय जायाखै। नाथाय सिगांनि समाव अय्यरनि फिटनेसनि सायाव गोबां खौराफोर होदोमोनब्लाबो हान्जाखौ फोसावनाय समाव बिसिसिआइआ अय्यरनि

सोमोन्दै जेबो खौरां होयालासे सिरियै मुंखौ जानगाराव लाखिदो। बेबादि थासारिआव बिसिसिआइनि हान्जायाव जायगा होनाय गेलेगिरिफोरनि सायाव माखासे सौथि सिखादो। अय्यरआ थांनाय माखासे समनिफ्रायनो गात्रि फर्मआव दड। मानोना बिथाड गावनि जोबथा गेलेनाय मेचफोरवबो मोजां रान लानो हायाखै। बेबादि थासारिखौ नोजोर लाखिनानै बिथांखौ गात्रि फर्मनि थाखाय

जानगारआव लाखिनायनि सन्देह लादो। अब्बाबो बिसिसिआइआ बेनि सायाव मोनबो बाथा फोरमायाखै। अय्यरआ इंग्लेण्डनि बेरेखायै गेलेनाय सिरिजनि खेबनै मेचनि खेबब्रे इन्सिआव फारियै 35, 13, 27, 29 रन लादोमोन। अय्यरआ टेस्ट क्रिकेटआव लान्थ्रयै बोसोरनै गात्रि फर्मनिफ्राय बारग'नो हायाखै। सोलिफु बोसोरव खेबथाम मेचआव 21.60 जौखोन्दो आरो 2023 आव खेबब्रे टेस्टआव बिथाडा 13.16 जौखोन्दो रान लादोमोन। बिथांमोननि जानगाराव थांनायनि उनाव केएल राहुल आरो रविन्द्र जाडेजानि हान्जायाव बाहागो मोनफिन्या सुबुंफोरनि गोसोआव मिजिंथि लाबोदो।

स्नेहाआ आइजोफोरनि प्र: गल्फ टुरनि ब्रैथि लेगनि बिमुंखौ देरहाबाय



गोदान दिल्ली, 10 फेब्रुवारी: बिशाखापलमआव भारतीय आइजो गल्फार स्नेहा सिंहआ मोनथाम हलआव मोननै बागी बानायनायनि उनावबो हिर' अमेन प्र: गल्फ टुर

(डब्लिउपिजिटि) नि ब्रैथि लेगनि बिमुंखो देरहानो हाबाय। खेबथाम थाखोआव बादायनायनि उनाव सोलिफु सिजनआव बेयो स्नेहानि नैथि देरहानाय। बिथाडा बे लेगनि

पेरिस अलिम्पिकआ गेलेगिरिफोरनि थाखाय जर'खा जागोन



गोदान दिल्ली, 10 फेब्रुवारी: पेरिस अलिम्पिक आरो पेरालिम्पिकखौ खुंफुंरा आफादआ गिबि खेब मेडेलनि अन्जिमाखौ फोरमायदो। बे गेम्सआव मेडेल देरहानाय गेलेगिरिफोरखौ मुंदांखा एपिल टावारनि न'सिम लानाय जागोन। बेनि सायाव पेरिस अलिम्पिक खुंफुंरा आफादआ फोरमायनानै मेडेलनि मोनसे भिडिअबो शेयार खालामदो। जेराव मेडेलनि मोनसे बाहागोआ इपिल टावारनि महरखौ सेबखानाय जादो। अलिम्पिक गेम्सआ फैगौ 26 जुलाइनिफ्राय 11 आगस्टसिमनि जेजेराव जानायनि उनाव पेरालिम्पिक गेम्सआ 28 आगस्टनिफ्राय 8 सेप्टेम्बरसिम सोलिगोन। बोसोरनि देरसिन बे गेलेमुनि थाखाय गासै गं 5084 मेडेल बानायनाय जागोन। मार्टिन फरकेडनि आफादगिरि सामलायनायाव पेरिस 2024 एथलीट कमिसनआ अलिम्पिक गेम्सनि थाखाय मेडेलफोरनि सायाव नायबिजिरनायनि थाखाय मोनसे हान्जानो बिबान गथायदो। बे समाव आफादगिरिआ फोसावलाइआव फ्रान्स आरो पेरिसनि मुंदांखा जागिरिनि इपिल टावारखौ मेडेलआव सोफानो हानायखौ गोजोन्याय फोरमायदो। पेरालिम्पिक गेम्सनि मेडेलनि गाहायावबो इपिल टावारखौ नुनो मोनो। अलिम्पिक मेडेलनि सायाव गोबाडनो गावसोरनि मोजां मोन्यायखौ फोरमायहरदो। 2004 निफ्राय बे गेम्सनि मेडेलआ मोनसे जागिरिनिजर'खा महरै बांसिनै गनायजादो। अलिम्पिक गेम्सनि जागिरिनिआव मेडेलनि डिजाइनआव गिबियै इपिल टावारजो सोमोन्दो थानाय आगरखौ एरखानाय जादो। अलिम्पिक आरो पेरालिम्पिक गेम्सनि मेडेलआव लागायनाय रेबनखौबो एपिल टावारजो सोमोन्दोआव बानायनाय जादो।

वर्ल्ड कापनि रानार्सआप फ्रान्सआ नेसन लीग फुटबलआव इटाली, बेल्जियाम आरो इजराइलजो लोगोसे जायगा मोन्दो

पेरिस, 10 फेब्रुवारी: वर्ल्ड कापनि रानार्सआप फ्रान्स, इडरपियान सेम्पियन इटाली, बेल्जियाम आरो इजराइलआ फैगौ सेप्टेम्बर दाननिफ्राय खुंजानो गोनां गोजौ थाखोनि हौवाफोरनि इडएफए नेसनेल लीगनि फारिआव बयनिखुइबो गोब्राबसिन गुप-ए 2 आव लाखिजादो। नेसन्स लीग सेम्पियन स्पेनखौ गुप-ए 4 आव डेनमार्क, सुइजारलेण्ड आरो साबियाजो लाखिदो। इडर' 2024 नि बान्जायगिरि जामानी,



नेडारलेण्ड, हांगेरि आरो भसनिआ-हाजेगभिनाआ गुप-ए 3 आव लाखिजादो। बे फारिआव क्रएशिया, पुर्तुगाल पलेण्डआरो स्करलेण्डआ गुप-ए 1 आव युथायै जायगा मोन्दो। फिफा रिकेनि आव थामथि थाखोआव जायगा मोन्या इंग्लेण्डआ 2022 माइथायाव नेसन्स लीगनि नैथि थाखोआव गोलैदोमोन। बे खेबआव हान्जाया फिनलेण्ड, ग्रीस आरो आयारलेण्डजो लोगोसे गुप-बिआव दोनजादो।